

NY FIVAVAHAN'I JEZEBELA

 Ndao isika hijanona hitsangana vetivety fotsiny, raha manolotra fisaorana an'Andriamanitra ho an'ity isika. Ndao isika hanondrika ny lohantsika.

Andriamanitra Ray Masina sy Mpiahys, tena faly izahay fa Ianao no—no Andriamanitra iray, ary tena famonjena manatrika iray mihitsy amin'ny androm-pahoriania. Misaotra Anao izahay ny amin'izay Nataonao ho anay. Tsy afaka maneho fotsiny izahay, avy amin'ny fonay, hoe toy ny ahoana no ankasitrahany an'izany, ary ahoana no Ahatongavanao ho an'ny famonjena anay rehefa ao anatin'ny fahoriania izahay. Nianatra izahay, nandritr'ireo taona, ny hatoky Anao sy hino Anao.

Ary mivavaka aho, amin'ity tolakandro ity, Tompo, mba Handrotsahanao an'ireo Fitahianao eo amin'ity vahoaka ity. Enga anie tsy hisy olona malemy eto afovoanay rehefa mifarana ity favoriana ity. Raha hisy anankiray ato izay tsy mahitsy amin'Andriamanitra, dia enga anie ilay Hery izay nanangana an'i Jesosy avy tao am-pasana, hamelombelona ny vatan'izy ireo mety maty, Tompo, sy ny fanahin'izy ireo, ka hamerina azy ireo Aminao. Ekeo izany, Tompo. Ireo izay tsy manana ny Fanahy Masina, dia enga anie ity ho ilay andro lehibe anankiray izay tsy ho adinon'izy ireo mihitsy, fa enga anie ity no ho andro izay androtsahan'Andriamanitra Ny Fanahiny eo amin'izy ireo. Ekeo izany, Tompo. Mamelà ny fahotanay.

Hivavaka izahay mba Hitahianao an-dRahalahy Sullivan, ny sakaizanay tsara fanahy sy sarobidy, ary ireo eritreriny ho an'ny olona, ka hiezaka hitondra azy ireo amin'izay azo atao rehetra izay vitany, mba hanampy azy ireo. Mivavaka aho mba Hitahianao an-dRahalahy Sullivan.

Tahio ireo mpitoriteny manerana ny firenena, hatraiza hatraiza. Omeo habetsahana mihoatra izy ireo, Tompo. Enga anie hitsangana mahery fo eo amin'ny polipitra izy ireo ka hanambara ny Tenin'Andriamanitra, satria miaina ao amin'ireo ora famaranana ny tantaran'ity izao tontolo izao ity izahay. Aoka ny Fahatsaranao hanaloka anay ao amin'ireto fotoana ireto. Fa mangataka an'izany amin'ny Anaran'i Jesosy izahay. Amena.

Afaka mipetraka.

Tena mankasitraka anareo olona aho raha, an'Andriamanitra, ny amin'ity. Rahalahy Sullivan no niandraikitra azy samirery. Hitanareo, tsy ho tsara ho an-dRahalahy Sullivan ny nanao an'izany, satria efa niomana ny hikarakara an'izany izahay. Misaotra anareo izahay nohon'ny fhafatsaram-panahinareo.

² Ary, ankehitriny, ho an'ilay—ilay raki-pitiavana, izany... tsy tokony nanao an'izany ianareo. Tsia, tsy nilaina izany. Hitanareo, izao fotsiny... mandoa ny fandaniana izy ireo, ny hotely sy ny sakafo, izay tokony naloanay, ary izay fotsiny ihany no nilaina. Fa misaotra anareo, tena tsara fanahy, ary handeha any amin'ny fanampiana ny misionera izany ka hitondra ny olona eo amin'Andriamanitra. Tsy hisy sigara iray ho vidiana amin'izany mihitsy, whisky iray, na inona na inona izay ratsy, handeha ho an'ny zavatra tsara izany. Ary mivavaka aho mba hametrahan'Andriamanitra an'izany eo amin'ny kaontinareo any ambony any, ka hampitombo an'izany an'aliny, ny dolara tsirairay, na—na iraimbilanja, na dimy cents izay natolotrareo ho an'ity favoriana ity.

³ Ary, ankehitriny, te-hisaotra ny Tafik'i Etazonia aho nonoh'ny namelàna antsika hahazo an'ity tranobe ity hivoriana, mba hanao an'ireto favoriana ireto. Misaotra an'izy ireo amin'ny foko rehetra tokoa aho.

⁴ Ary araka ny azoko, nilaza i Rahalahy Sullivan fa efa voaloa tanteraka ny zavatra rehetra. Tsy mbola nandao tanàna iray mihitsy izahay, nananana cent iray, fa ny zavatra rehetra dia voakarakara; tsy mino zavatra hafa fotsiny izahay. Tsy tokony ananan'olona iray trosa ianareo, tsy maintsy mahatoky sy mahitsy ianareo. Ary raha ananan'olona iray ianareo, mandehana atreho izy ireo ka teneno amin'izy ireo fa ananan'izy ireo ianareo, saingy mba hanome fotoana kely anareo fotsiny, fa haloanareo ilay izy. Hitanareo? Isan'andro, dia izany no tsaratsara kokoa... Izany no marika tsara iray an'ny Kristianisma: ny hahitsy fo, marina.

⁵ Tokony hiaina amin'izay resahanareo fotsiny ianareo. Raha tsy miaina an'izany amin'ny tenanareo ianareo, dia ahoana no ahafahanareo hanantena olon-kafa iray hiaina an'izany, hitanareo. Noho izany dia epistily voasoratra ianareo, vakian'ny olona rehetra, noho izany dia aoka hahitsy fo isan'andro, marina, mahatoky. Teneno ny fahamarinana, tsy mampaninona na mafy toy ny ahoana aza no andratran'izany zavatra iray. Teneno ny fahamarinana, na ahoana na ahoana, satria afaka miteny tahaka an'izany foana ianareo amin'ny fotoana rehetra. Ary raha miteny lainga iray ianareo, dia tsy maintsy handeha hihodinkodina iray tapitrisa maily, fa mbola tsy maintsy hiverina eo amin'io lainga io foana indray ianareo; ary manao zavatra iray mahatsiravina fotsiny ianareo. Aoka hahitsy fo fotsiny, ary afaka hiteny azy tahaka an'izany foana ianareo satria izany no fahamarinana.

⁶ Tahaka an'izany ny Baiboly. Teneno fotsiny tahaka ny ilazan'ny Baiboly azy ilay izy, aza manao marimaritra iraisana amin'izany, lazao tahaka an'izany fotsiny ilay izy, izao fotsiny... voasoratra eto mihitsy izany ka—ka afaka manondro an'izany amin'ny rantsan-tànanareo ianareo. Izany dia—izany dia... tahaka an'izany no andresenareo an'i Santana. Hoy i Santana

tamin'i Jesosy hoe, "Raha Ianao no Zanak'Andriamanitra, dia avelao izahay hahita Anao manao fahagagana iray. Izy ireo no milaza fa Ianao dia 'mpanao fahagagana iray.' Avadiho ho mofo ireto vato ireto, dia avelao izahay hahita. Noana Ianao."

⁷ Hoy Izy hoe, "Fa voasoratra hoe, Tsy ny mofo ihany no hiveloman'ny olona." Hitanareo? Nalainy ny Tenin'ny Ray ka noreseny ny devoly, teo amin'ny taniny manokana mihitsy. Noho izany dia afaka manao an'ilay zavatra iray ihany ianareo, mandresy ny devoly eo amin'ny taniny, miaraka amin'ny Tenin'ny Tompo.

⁸ Noho izany, hankasitraka an-dRahalahy Sullivan isan'andro aho. Ity dia... Mamelà an'izao fitenenana izao hoe: Heveriko fa rehefa nanamboatra an-dRahalahy Sullivan izy ireo dia Natsipiny fotsiny ilay modely. Tsy misy tahaka azy. Lehilahy anankiray ihany izay hany nihaonako teo amin'ny fainako no nampahatsiahy ahy an-dRahalahy Sullivan, izany dia E. Howard Cadle. Tsy fantatro raha mba efa nahafantatra azy izy na tsia, avy amin'ny—avy... Rahalahy Cadle dia zazalahy antitra tsara iray an'ambanivohitra tahaka an-dRahalahy Sullivan. Ary mandentika an'ireo tànany lalina ao anatin'ny paosiny izy hany ka nilatsaka ambany ireo bertelony, ary miresaka miaraka amin'ny lohany mitongilana izy, ary E. Howard Cadle anankiray mihitsy izy. Ary noho izany aho dia tena—tena faly aho manana an-dRahalahy Sullivan ho skaiza iray sy rahalahy ao amin'ny Filazantsara. Ary mivavaka aho mba hitahian'Andriamanitra azy sy ny fiangonana keliny eto, ny vadiny sarobidy, ireo malalany.

⁹ Ary ho anareo, ireo mpitoriteny hafa izay eto, ho anareo sy ny fiangonanareo, mpitory tenin'ny Full Gospel, mety tsy mifanaraka isika eo amin'ireo zavatra teknika kelin'ny Soratra. Tsy mifanaraka amin'ny vadiko aho eo amin'ny zavatra sasantsasany. Ary fantatrareo ve hoe eo amin'ny inona izany? Tia tarta paoma izy ary izaho tia serizy, noho izany dia tsy mifanaraka izahay. Ary teneniko aminareo izay hataoko amin'ny ahy: tia tarta serizy mafana tsara iray aho (afaka mahatanty an'izany aho izao ankehitriny izao) ka mandraraka dibera eo amin'ny tampon'izany, ary avy eo mandraraka melasy eo ambonin'izany; ary, rahalahy, manana zavatra iray mendrika ho hanina ianareo! Matahotra an'izany ny vadiko. Heveriko fa matahotra kaloria izy. Mety ho tiandy ilay izy, saingy fantatrareo hoe ahoana ireo vehivavy, izy ireo dia matahotra... Lasa tena mahia izy ireo ka afaka manindrona azy ireo amin'ny paingotra iray ianareo ary manapaka azy ireo hatramin'ny taolana, kanefa izy ireo dia tia ny—te-hihena izy ireo. Izany no natioran'izy ireo, heveriko, noho izany dia misy... Ary, fa tiako izany. Ankehitriny, tsy mifanaraka izahay eo amin'izany, fa amin'ireo zavatra hafa dia mety tsara izahay. Fa, hitanareo, tsy mifanaraka tanteraka isika. Noho izany dia afaka mahita an'ilay zavatra

iray ihany isika, rahalahy, fa ny zava-dehibe, dia mihinana tarta isika, izany no zava-dehibe.

¹⁰ Indrindra, eo amin'ny batisan'ny Fanahy Masina, sy ny fihavian'i Kristy, ary ireo foto-pampianarana evanjelika lehibe, ara-pototra an'ny Baiboly, mitsangana mifampisakambina miaraka amin'izany tokoa isika. Toy ny mpirahalahy miray goavana anankiray, tsy misy sakana ara-anaram-piagonana, tsy misy na inona na inona misakana antsika, mandeha mankany Kalvary isika toy ny tafika goavana anankiray, miaraka.

¹¹ Raha mba afaka ny ho fanampiana iray ho anareo aho, dia ho faly aho ny hanao an'izany. Ary azoko antoka fa hilaza an'ilay zavatra iray ihany amiko ianareo. Ary afaka ho fanampiana iray ho ahy ianareo. Ary izany no zavatra anankiray izay azonareo atao, izay fantatro, dia ny mivavaka ho ahy, mba tsy hamelan'Andriamanitra ahy ho ratsy fandeha mihitsy. Izaho—izaho—izaho... Tsy ao am-poko ny ho ratsy fandeha, izaho—te-handeha mahitsy aho, te-hanao an'izay marina aho. Satria fantattro, araka ny notenenin-dRahalahy Jack Moore tamiko indray mandeha, hoy izy hoe, “Rahalahy Branham, tsy te-hitsangana ao anatin'ireo kiraronao aho noho ireo fahatsapanao rehetra, amin'ny Andron'ny Fitsarana, satria hitaky valiny iray lehibe aminao Andriamanitra,” hoy izy, “satria nanome anao olona an-tapitrисань eo an-tàнано Izы.”

¹² Ankehitriny, raha fantattro fa hitsangana any aho ka hamaly ho an'ireo olona ireo, amin'izay fotoana izay dia karazana Filazantsara iray inona no tsy maintsy ho toriako? Karazana fahatsoram-po iray inona, rehefa mihazona ny vidin'Ny Ràny eo an-tànako aho? Ary satria Izы no nanome ahy fanomezam-pahasoavana iray mba... any ankoatry ny aloky ny fisalasalana, ny olona manan-tsaina rehetra dia hahafantatra fa tsy maintsy avy amin'Andriamanitra izany. Ary miaraka amin'izany, raha nitarika olona iray tao amin'ny lèlan-dratsy aho satria fotsiny hoe nisy vondrona anankiray nilaza an'izany, dia hanao ahy handoa an'izany Andriamanitra amin'ny Andron'ny Fitsarana.

¹³ Fa rehefa hitako ilay fahitana, teto vao tsy ela akory izay, ka nandre an'ireo olona niantsoantso aho... Efa nahazo an'ilay boky kelinareo ve ianareo omaly hariva? Ilay—ilay Business Men's Voice. Tsara izany. Ary tao amin'ilay fahitana... Indray andro any dia hanao printy azy amin'ny antsipiriany feno izahay; tsy mbola izy rehetra izany. Fa ao amin'izany, ary nahita an'izany, ka nitsangana tany aho tahaka ny—tahaka ny itsanganako izao ankehitriny izao mihitsy. Ary njery ny tenako nandry teo ambonin'ny fandriana aho, njery ny vadiko, kanefa nitsangana teto njery ny tenako. Ary nitsangana teo tahaka an'izao ireo olona ireo rehefa nilaza aho hoe, “Tsy maintsy hotsaraina nohon'ny Filazantsara izay notorianty ve i Paoly?”

¹⁴ Hoy izy, “Eny.”

¹⁵ Hoy aho hoe, “Nitory ny Teny tsirairay marina tokoa tahaka ny nataony aho.”

¹⁶ Ary niantsoantso ireo an-tapitrisany hoe, “Eo amin’Izany no itsaharanay!”

¹⁷ Tahaka an’izany no tiako haha-azy azy rehefa miampita any aho, hitanareo. Tahaka an’izany no tiako haha-azy azy, tahaka an’izany fotsiny, izay nolazain’i Paoly fotsiny. Tsy te-hanampy zavatra anankiray amin’Izany aho, hanaisotra zavatra anankiray amin’Izany. Izay nolazain’ny Baiboly fotsiny, dia tahaka an’izany fotsiny no tiako hanohizana hihazonana azy, hitanareo. Ary mazava ho azy, raha tahaka an’izany no ihazonanareo azy, dia hanangana sakana iray eo amin’ny lafiny rehetra ireo anaram-piangonana hanohitra an’Izany.

¹⁸ Ary avy eo, imbetsaka, dia mihevitra ireo rahalahy fa manohitra an’ireo rahalahiko aho. Andriamanitra no mahafantatra hafa noho izany, raha mbola mahafantatra foana an’izay fahamarinana Izy. Hitanareo? Tsy manohitra an’ireo rahalahy ilay izy, ilay izy dia ilay rafitra no manao antsika tsy ho mpirahalahy. Tsy ny Tenin’Andriamanitra no misakana antsika tsy ho mpirahalahy, ilay izy dia ilay rafitra izay ikambanantsika no misakana antsika tsy ho mpirahalahy. Marina izany. Noho izany, aiza no tsy maintsy ijoroantsika? Mijoroa eo amin’ny Teny, dia Andriamanitra no hitarika ny olona rehetra ho eo amin’Izany (marina izany) eo—eo amin’izany. Aza mandrafitra an’izany mihitsy, manao an’izany ho anaram-piangonana, hazony ao amin’Andriamanitra izany na izany aza, ary manohiza mandroso fotsiny; diniho fotsiny ilay fiafarana, mihazònà mafy, dia Andriamanitra no hitondra ny sisa amin’izany.

¹⁹ Efa nisy zavatra maro be nataonareo ho ahy, ka mankasitraka an’izany aho. Ankehitriny raha afaka manampy anareo aho, eo amin’ireo fanomezana lamba fangataham-bavaka iray na zavatra anankiray. Ankehitriny, aza manontany foto-pampianarana amiko, satria izaho—tsy maniry hanao an’izany aho. Maro be ny olona manoratra fanontaniana amiko mikasika ny fanambadiana sy fisaraham-panambadiana sy ny sisa, izay fisavoritahana iray ao amin’ny fiangonana. Mamerina azy ireo foana aho, ka manao hoe, “Anontanio ny pasiteranareo.”

²⁰ Manoratra taratasy amiko eto ny olona ka manao hoe, “Ahoana ny amin’ity? Ary ahoana ny amin’itsy?” Mamaly an’ilay taratasy aho, hoe ho azonareo izany. Jereo ny pasiteranareo eo amin’ireo zavatra kely satria, sady izay koa, izy no mpiandry anareo. Izy—izy no ilay—izy no anankiray izay nirahin’Andriamanitra hiambina anareo. Ary mety tsy mifanaraka isika eo amin’izany, ary avy eo dia miteraka fifanjevoana iray izany ao amin’ny fiangonanareo. Tsy mila an’izany isika. Tsia! Tsia! Tianay fotsiny ianareo hitsahatra tsy hanao zavatra izay fahotana, zavatra tsy araka ny

Baiboly, ka hanohy handroso mankany amin'Andriamanitra. Hitanareo? Ary raha miteraka fifandirana kely sy zavatra tahaka an'izany ianareo, dia mampikorontana ny fiangonana izany. Noho izany, dia aleoko ny pasiteranareo no hiteny aminareo mikasika ny fanambadiana sy fisarahanam-panambadiana, ary *ireto* zavatra ireto sy *ireo* zavatra ireo, aoka izy no hanao an'izany. Mpanompon'Andriamanitra ihany koa izy, ary izy no nampitaovana hanao an'izany.

²¹ Tsaroanareo ve ilay Samaritana tsara fanahy izay nahita an'ilay lehilahy naratra? Nentiny tao amin'ny tranombahiny izy (ny fiangonana izany) ary nomeny denaria roa ilay lehilahy teo, ary niteny taminy fa raha nila ambonimy izy dia haloany aminy rehefa miverina izy. Noho izany, nahazo denaria roa izy, afaka hitsabo anareo izy raha lehilahin'Andriamanitra. Raha lehilahin'Andriamanitra izay mijoro eo amin'ny Tenin'Andriamanitra izy, izy—nahazo an'izay nomen'Andriamanitra azy izy: ny Fanahy sy ny Teny. Marina ve izany? Toy ny ahoana no tokony hivavahantsika? Amin'ny Fanahy *sy* amin'ny Fahamarinana. Ary ny Teny no Fahamarinana. Marina ve izany?

²² Ankehitriny, misaotra betsaka anareo tokoa, indray. Ary ankehitriny, reraka be aho, ary tena reraka izao tolakandro izao, tsy mikasa ny hijanona amin'ny hotely intsony aho raha mbola velona koa. Fety goavana an'ny mamolava, ary nandrity ny alina manontolo, mikapokapoka ny varavarana sy miantsoantso, ary ireo vehivavy... Oh! Nitsangana fotsiny aho, ny alina manontolo. Izay ihany. Ary noho izany aho—tsy mikasa ny hanana hotely iray hafa intsony aho. Handeha hankany amin'ny trano fandriam-bahiny iray aho. Haka fiarabe iray ho ahy aho mba ahafahako matory ao anatiny, any amin'ny tany ivelany any ho any. Haka an'izany aho, haka tranolay ho ahy ary kitapo fatoriana iray, na any ho any izay ahafahako ho irery, any ho any. Marina izany.

²³ Tena mpanota ilay izy, ity firenena ity, tsy mahagaga! Rotidrotika izy, ary lò hatrany amin'ny tsoka. Teto mihitsy tany amin'ny toerana hafa iray, ao amin'ny fanjakanareo... Tsy ity fanjakana ity irery ihany, hatraiza hatraiza. Teto mihitsy, taona vitsy lasa izay, izaho dia tao amin'ny—tao amin'ny fivoriana ara-pivavahana iray teto amin'ny fanjakana, tanàna goavana iray. Ary tamin'io hariva io ny vondrona ara-pivavahana iray, fiangonana ortodoksa niaraka tamin'ireo adolantsento, dia nanao fivoriana iray. Izaho—izaho tsy mihitsy... Efa tany Afrika aho teo ambanin'ny vaudous sy ny zavatra rehetra, fa tsy mbola nandre zavatra tahaka an'izany mihitsy aho. Ary ny ampitso maraina, (afaka miteny aminareo marina tokoa aho, mpanatrika mifangaro isika)... nandry teo amin'ny gorodona, ireo zavatra tsy mendrika izay natao, tavoahangin'ny whisky nanerana ny rehetra. Ary ireo ankizy tanora ireo, zazalahy sy

zazavavy tao amin'ilay efitra iray ihany ny alina manontolo, niaraka. Ary ny ampitso maraina, ilay "ray masina" nippetraka teo, ary tonga izy ireo niondrika teo aminy tahaka an'izao. Teo ambanin'ny Anaran'i Jesosy Kristy!

²⁴ Lasa adala ve aho? Inona—inona ny olana amiko? Tsy afaka mahatanty an'ireo zavatra ireo fotsiny aho! Izany... zavatra iray manozongozona ahy ho potipotika rehefa mahita an'izany aho. Izany ve no hanehoana an'i Jesosy Tompoko? Fetin'ny mamolava, tsy mendrika miaraka amin'ireo zavatra tsy mendrika izay... nampiasain'ireo lehilahy sy vehivavy tanora ireo, nandry teo amin'ny gorodona ary tao anatin'ny sobika maloto, sy ireo tavoahangy ary... Oh, oadray, mamindrà fo! Afaka hiantso an'izany ho Kristianisma ve ianareo? Tsy mahagaga raha ao anatin'ny toeram-pahotana izao tontolo izao. Eny, inona no lazain'ilay mpanota rehefa mahita an'izany izy? An'arivony amin'izy ireo.

²⁵ Tena mamo ireo zazavavy tanora ireo ka zara raha afaka mitsangana, ary tao amin'ilay efitra ny alina manontolo niaraka tamin'ireo zazalahy ireo, ary resaka maloto mahatsiravina indrindra izay hany renareo teo amin'ny fiainanareo. Napetrako teo ambonin'ny lohako ny ondana tahaka an'izao, niezaka ny hatory. Teo amin'ny gorodona, mamo, ary nihazakazaka nandroso sy niverina teo amin'ny gorodona tahaka an'izao, mpivavaka!

²⁶ Ankehitriny, afaka manantena an'ireo olona mpanota aho ohatra, ankehitriny, izay miantso ny tenany ho mpanao fanatanjahan-tena, any amin'ny lalao kanety be eto. Raha hanomboka hankany amin'ny làlan'ny kanety be ny iray amin'ireo zanako, dia handroaka azy hiala amin'ny faritra aho. Ah-hah. Miantso an'izany ho fanatanjahan-tena, tsy fanatanjahan-tena izany. Inona izany... Raha te-hahitsy ianareo, dia mahitsia amin'Andriamanitra. Marina.

²⁷ Te-hamaky ho anareo aho, teny iray avy ao amin'ny Baiboly fotsiny. Hitanareo ireo teny vitsy izay tiako vakiana eto ireo ho an'ny lahateny iray, hita ao amin'ny toko faha-17-n'ny Mpanjaka Voalohany, andininy faha-1.

...Raha velona koa ny TOMPO Andriamaniry ny Isiraelly, izay itsanganako eo anatrehany, dia tsy hisy ando na ranonorana amin'ireto taona ireto, ... araka ny teniko.

Mpanjaka Voalohany, faha-1 tok-...toko faha-17, andininy faha-1.

²⁸ Raha afaka mandefa lamba fangataham-bavaka ho anareo aho, amin'ny fotoana rehetra, dia manorata amiko fotsiny; eto ny mpitän-tsoratro, izay manatrika ankehitriny, Rahalahy Maguire. Firy no efa mba nahazo lamba fangataham-bavaka avy taminay? Aoka ho hitanay ny tånanareo. Mitsangana, Rahalahy

Jim. Tiako ny hahita an'ilay...ianao, sy ny vadinao ihany koa. Io ny mpitàn-tsortro sy ny vadiny, ireo izay miasa, izay nandef...Io ilay zazalahy sy zazavavy izay mandefa aminareo an'ireo lamba fangataham-bavaka ho anareo avy ao amin'ny fivoriana, Kristiana nanoka-tena izy roa. Ary ilay feo, ilay feo kely izay renareo eo amin'ny telefona rehetra miantsosy ahy ianareo, izany dia ilay ramatoa kely mipetraka io, ny vadiny. Ny rainy sy ny reniny, ary izy ireo, dia eto miaraka amintsika androany; ary—ary ireo malala, ny rehetra manerana. Noho izany...Ary avy eo dia fantatrareo ny mpitàn-tsortro eny amin'ny saha, Atoa. Mercier, Rahalahy Leo Mercier, eto izy any ho any, ary Rahalahy Gene Goad. Ary noho izany raha afaka mandefa lamba fangataham-bavaka iray ho anareo izahay, amin'ny fotoana rehetra, ny zavatra rehetra izay azonay atao, mivavaka ho anareo eo amin'ny telefona; ny zavatra rehetra izay azonay atao, dia hataonay izany.

²⁹ Ity lehilahy toa hafahafa miaraka amin'ny tehina iray eny an-tanany ity, mijadojadona ny fandehany, ny masonry mamirapiratra amin'ny Voninahitr'Andriamanitra, ny volombavany mitsoka eo amin'ny ilany, tapaka hoditr'ondry antitra voloina iray no nandrakotra nanodidina azy, nanao ny diany mafy fotsiny izy raha nandeha teo amin'ny lâlana nankany Samaria. Tsy nisy betsaka ho jerena mihtisy izy, saingy izy no nanana ny HOY NY TOMPO HOE ho an'io firenena malazan'ny Isiraely io. Hia, Elia ilay Tisbita, mpaminanin'ny Tompo iray. Tsy nisy betsaka ho jerena izy, saingy izy no nanana ny Tenin'ny Tompo.

³⁰ Tsy natahotra ny hitsangana teo anatrehan'ilay mpanjaka izy, satria efa tao amin'ny Fanatrehan'ny lehibe kokoa noho ilay mpanjaka izy, efa teo amin'ny Fanatrehan'i Jehovah izy. Noho izany, dia fantany izay nitsanganany. Ary rehefa nandeha teo anatrehan'ilay mpanjaka izy dia tsy niankanankana sy niambakambaka, fantany izay noresahany. Afaka nilaza tamin'ilay mpanjaka izy hoe, "HOY NY TOMPO ANDRIAMANITRY NY ISIRAELEY HOE, 'Tsy hisy ranonorana na ando raha tsy izaho no miantsosy azy.'" Nahoana izy no nilaza hoe, "Raha tsy izaho no miantsosy azy. Araka *ny teniko*?" Satria izy no nanana ny Tenin'ny Tompo, mpaminaniny iray izy, ary ny mpaminaniny no manana ny Tenin'ny Tompo.

³¹ Zavatra iray manaitra ny mahita ny mirazotra eo amin'ny Israelin'ny Testamenta Taloha sy Amerika ankehitriny. Izy roa ireo dia samy firenena malaza. Izy roa ireo dia samy naorina, ary tonga teo ireo vahoakany, nohon'ny fanenjehana ara-pivavahana.

³² Nenjehan'i Farao ny Israely ary tao amin'ny fanandevozana nandritry ny an-jato taonany, izay nanakanana azy ireo tsy hanompo an'ilay Andriamanitra marina sy velona, ary nosakanana tamin'izany tombontsoa izany; ary lasa andevo izy

ireo. Fa nanao teny fikasana iray ho azy ireo Andriamanitra tao amin'Ny Baiboliny, na tao amin'Ny Teniny, ary tamin'ny alàlan'ireo Mpaminany, fa hanome azy ireo tany iray Izy. Ary tonga tao amin'io tany io izy ireo ka nandroaka an'ireo izay nipetraka tao amin'io tany io, ary naka ny lovany, satria nanana tanjona iray amin'ny fanaovana an'izany Andriamanitra.

³³ Ary toy izany koa ity firenena malaza antsika ity. Tonga teto isika, ary teo ambonin'ny Plymouth Rock no nanorenana an'ity firenena ity teo ambonin'ny fahalalahana'ny fivavahana satria ireo razambentsika dia nandositra ny fanenjehana Romana an'ilay rafitra moderin'i Jezebel, ary tonga ka nahatanty fanenjehana lehibe maro sy fanaovana maritiora teo ambanin'ny rafitra sandoka iray an'i Jezebel. Ary araka ny Baiboly, an'ny Apokalypsy, ny toko faha-13, dia nampantanena azy ireo tany misy rano iray Andriamanitra, sy toerana iray, satria nentina nankany an-efitra ilay vehivavy izay namelomana azy nandrity ny fetr'andro iray, fetr'andro, ary antsasaky ny fetr'andro. Nampantanena an'i Amerika Andriamanitra, na tamin'ny fiangonana (tamin'ilay vehivavy), hiditra ao amin'ity firenena ity.

³⁴ Efa voamarikareo ve ny Apokalypsy 13? Ireo bibidia hafa rehetra dia niakatra avy tao amin'ny ranomasina, ireo rano; Apokalypsy 17:17, nanao hoe, "Ireo rano izay hitanao dia hamaroana sy habetsahan'olona." Ireo bibidia hafa rehetra, avy tao amin'ny rano izy ireo, hamaroana sy habetsahan'olona. Fa rehefa tonga i Etazonia dia, "Nivoaka avy tamin'ny tany izay tsy nisy olona izy." Ary tsarovy, rehefa tonga izy, dia tahaka ny zanak'ondry kely.

³⁵ Ankehitriny, manana tandroka roa ny zanak'ondry iray, ary izany dia fahefana sivily sy ara-pivavahana. Fa rehefa nikambana izy ireo, tsarovy, tamin'izay fotoana izay dia niteny tahaka ny nataon'ilay dragona teo alohany io zanak'ondry io; ary ny dragona dia Roma.

³⁶ Rehefa nitsangana teo anoloan'ilay vehivavy ilay dragona mba handrapaka ny zanany vantany vao teraka izy, ilay dragona mena... Iza no nitsangana teo anoloan'ilay Isirael vehivavy, mba handrapaka an'ilay Zanaka vantany vao teraka Izy, ka nandefa fanenjehana ary namono ny ankizy rehetra nanomboka tamin'ny roa taona no nidina? "Roma, ilay dragona, no nitsangana teo amin'ilay vehivavy mba handrapaka ny zanany vantany vao teraka izy."

³⁷ Ary avy eo, dia hitantsika, fa tonga ho firenena afaka iray ity firenena ity, ary dia...nanana zanak'ondry iray, izay midika hoe ny Zanak'ondrin'Andriamanitra. Fa, afaka kelikely, ity rafitra iray ihany izay ananantsika ity, dia niteny tahaka ny dragona ary nampiasa ny fahefana rehetra izay nananan'ilay dragona teo alohany.

³⁸ Mirazotra izy ireo, ny iray amin'ilay hafa, tanteraka tokoa. Ary tsarovy rehefa ireto... Tonga i Isiraely ka naka ny tanindrazany sy Palestina, nandroaka an'ireo nипetraka tamin'io tany io ary naka an'ilay tany. Rehefa niditra isika ka naka azy avy tamin'ireo Indiana, dia nandroaka azy ireo ary naka an'ilay tany. Nanana antony iray ho an'izany Andriamanitra. Haneho amin'izao tontolo izao Andriamanitra an'izay Azony natao niaraka tamin'ny—ny andian'olona kely izay nila fahafahana, sy ny fahalalahany'ny fivavahana, mba hanompo an'Andriamanitra.

³⁹ Inona no nataon'izy ireo ho an'ny Isiraely? Nanao an'ny Isiraely ho firenena mahery indrindra eto amin'izao tontolo izao Izzy, ary nijanona ho tahaka an'izany izy mandra-pivoakany niala tamin'ny sitrapon'Andriamanitra. Inona no Nataony tamin'i Amerika? Nanao azy ho firenena mahery indrindra eto amin'izao tontolo izao Izzy mandra-pivoakany niala tamin'ny sitrapon'Andriamanitra. Mirazotra, ny iray amin'ilay hafa, marina tokoa.

⁴⁰ Rehefa niditra tao amin'ilay tany i Isiraely, izy ireo dia—dia vahoaka lehibe iray satria nanana fitarihana lehibe iray izy ireo. Nanana lehilahy natahotra an'Andriamanitra izy ireo teo aminy, tahaka an'i Davida, Solomona Mpanjaka. Natahotra azy ireo izao tontolo rehetra izao, ary nisitraka an'io tombontsoa tsy nisy ady io izy ireo, tsy nisy olana, ary niaina teo ambanin'ny fahefan'Andriamanitra, hany ka tonga mba hijery azy ireo ny olona avy tamin'izao tontolo fantatra rehetra izao. Nomen'Andriamanitra fanomezam-pahasoavan'ny famantaranana izy ireo, teo amin'i Solomona izany. Ary ilay mpanjakavavy avy any Atsimo, avy tamin'ny...mpanjakavavin'i Seba dia tonga tamin'ny lèlana rehetra nitety ny tany Efitr'i Sahara (nila telo volana izy) mba handre ny fahendren'i Solomona fotsiny. Ary rehefa hitany fa afaka namantatra an'ireo fanahy i Solomona, ka nampahafantatra azy an'ireo tsiambaratelon'ny fony, dia hoy izy hoe, "Marina izay rehetra reko momba anao, ary mbola betsaka ankoatran'izany." Resy lahatra izy fa Andriamanitra izany.

⁴¹ Ary Amerika, eo amin'ny fototr'ireo razambentsika izay tonga teto ho an'ny fahalalahany'ny fivavahana... Nanana lehilahy masina isika tamin'ireo andro ireo, ho mpitarika: George Washington, Abraham Lincoln, ireo lehilahy manantoeatra malaza, lehilahin'Andriamanitra. Amerika dia Amerika, tamin'ireo andro ireo.

⁴² George Washington, teto tao amin'ny Valley Forge, talohan'ny niampitany an'i Delaware, nivavaka ny alina manontolo, hany ka nilôna hatrany amin'ny valahany izy, nandohalika tao anaty oram-panala. Ary ny ampitsa maraina rehefa nanomboka niampita ireo Amerikana, dia nisy teo amin'ny roapolo isan-jaton'izy ireo fotsiny no nanana kiraro hanaovana, ilay Tafika Amerikana. Fa nanana fitsipika iray izy ireo, nanana zavatra izay tsy maintsy niadivany izy ireo.

Tsy nahoan'izy ireo izay tonga sy lasa. (Niditra ireo tantsaha, nanajanona ny angadiny ary namaha ny ombiny, ka naka ny basiny ary nandeha niady ho an'izay fantany ho fahalalahana.) Ary ny ampitso, mino aho fa izay ilay izy, lavaka bala efatra na dimy (bala moskety) nitety ny palitaony sy ny satrony nefafy tsy nikasika azy mihitsy.

⁴³ Lehilahin'Andriamanitra, izay nanorina an'ity firenena ity, lehilahy malaza! Tsy mahagaga raha nanoratra izy ireo hoe:

Enga anie ny firenenay hamiratra ela
Amin'ny jiro masin'ny fahalalahana;
Arovy amin'ny Herinao izahay,
Andriamanitra lehibe, Mpanjakanay!

⁴⁴ Fotoana vitsy lasa izay, niresaka tamin'ny lehilahy antitra iray aho tany Corydon, Indiana. Niteny tamiko izy mikasika ny hoe oviana no tao Corydon ny capitole, ary ahoana izy... nilaza hoe ahoana no nandehanany tao anatin'ny saretin'omby iray mba handre ny—ny tenin'ny governora. Ary izy sy ilay governora irery ihany no anankiroa izay nanana karazany roa, pataloaha sy palitao, nanaovana. Nilaza fa niompy ondry izy ary nanety azy ireny, sy nanasa ny volon'izy ireo, ireo anabaviny no namoly azy ka nanamboatra palitao iray ho azy hifanaraka amin'ny pataloahany. Ary nipetraka teo ilay lehilahy antitra, teo amin'ny dimy amby valopolo na sivifolo taona teo tamin'izany, nisintonia ny volombavany tahaka an'izao, ka hoy izy hoe, "Billy, izany dia fony 'Amerikee' no 'Amerikee.'"

⁴⁵ Nojereko ilay lehilahy antitra, ary nieritreritra aho hoe, "Ry tovolahy, ianao... maro amin'ireo tanora no tsy hino an'izany, saingy miteny ny fahamarinana ianao."

⁴⁶ Inona no nitranga tamin'ny Isiraely taorian'io lasa masina rehetra io? Nanomboka lasa tsy niraharaha izy ireo. Nanomboka tonga teo amin'ny toerana iray izy ireo izay, eny, tsy niraharahan'izy ireo an'izay niseho. Nanomboka lasa malaina izy ireo tao amin'ny fanompoany an'Andriamanitra, na dia nihazona endri-pivavahana iray tahaka ny ananantsika aza izy ireo. Nanana endriky ny toe-panahy araka an'Andriamanitra izy ireo. Fa nanomboka lasa afaka niaraka tamin'ny vahoakany izy ireo, ary—ary nanomboka nampiditra fitokoana samihafa tao amin'ny fiangonany izy ireo. Nanomboka nandady niditra ny fivavahan'i Balama, ary lasa fahafinaretana adala i Isiraely, mamo, ary ireo zavatra tahaka an'izany, ka farany dia nampiditra mpitarika iray izay tsy nahafantatra an'Andriamanitra; Ahaba, izay nandimby ny rainy. Ary ny rainy dia lehilahy tsy masina iray, lehilahy nanan-karena, saingy lehilahy tsy masina iray. Ary nanao ny fahotana rehetra izy, mihoatra noho ny hany nataon'ny olona rehetra talohany. Fa Isiraely, tao amin'ny hadalam-pisotroany, nametraka lehilahy iray tahaka an'izany izy ireo, ary nametraka azy teo amin'ny

seza fiandrianana mba ho mpanapaka iray eo amin'izy ireo. Nihevitra izy ireo fa nety tsara izany, tahaka ny maro amin'ireo Amerikana amin'izao andro izao mihitsy hoe, "Politisiana tsara iray izy, noho izany dia inona no fahasamihafana ataon'izany? Tsy hanao fahasamihafana mihitsy izany, satria politisiana tsara iray izy."

⁴⁷ Amerikana maro, maro be amin'izy ireo, no nivarotra ny fizokiany, amin'ny maha-Amerikana iray, ka manao hoe, "Inona no fahasamihafana ataon'izany, raha mbola mahazo dolara vitsy amboniny foana ianareo avy amin'ny governemanta ka velona?" Nivarotra ho an'ny kibo izy ireo, sy ho an'ny fitsiriritana ary filàn'ny tontolo mpanota iray, ka nanadino an'ilay tena zavatra izay nipetrahantsika tao Plymouth Rock. Adinon'izy ireo ny lovantsika, ka nandeha nivarotra ho an'ireo vahoaka adalam-pahafinaretana. Tahaka ny tamin'ny andron'i Isirael, dia toy izany koa ilay izy, naka an'ilay lâlana iray ihany i Amerika, tao amin'ilay lâlana iray ihany mihitsy, fahafinaretana!

⁴⁸ Afaka kelikely, dia nanohana ny fahotana ny governemanta hoe: "Raha mbola nanana synagoga iray foana ianareo, dia inona no fahasamihafana nataon'izany?" Izany marina tokoa no nataon'i Amerika. Ary manomboka miaraka mandrafitra ny tenantsika isika ka manao vondrona kely, ary fahotana amboniny, fahotana amboniny, fahotana amboniny. Tokony nijanona niaraka tamin'ireo tena fitsipika izay nindantsika teto isika! Nanomboka nandady tao amin'ireo fiangonana ny fahotana tahaka ny nataon'izy ireo tamin'izany mihitsy. Manomboka manapaka ny volony ireo vehivavy, manao akanjo tsy mendrika, manapaka azy ireny isan-taona ary... Ary ireo lehilahy dia manomboka manao an'ity, itsy, ary ny hafa, ary milalao karatra sy manao lalao buncu ao am-piangonana, ary araka an'izao tontolo izao tahaka azy ireo mihitsy, hadalam-pahafinaretana, hadalam-pisottoana.

⁴⁹ Ireo mpitoriteny nahazo diploma avy tamin'ny seminera, ka hoy ilay eveka hoe, "Mitoria teny, ry tovolahy, na inona na inona irianareo. Raha ny amiko, ny ràn'i Jesosy Kristy dia efa maina sivinjato sy arivo taona lasa izay." Hany ka tsy manana afa-tsy rafi-pandaminana iray sisà ny fiangonana, tahaka ny trano fialofana iray. Enga anie ianareo tsy hanadino an'ity tolakandro ity mihitsy! Lasa tahaka ny trano fialofana iray, manomboka mandady miditra izao tontolo izao, manomboka manao marimaritra iraisana ireo mpitoriteny tahaka ny nataon'izy ireo tamin'ny andron'i Ahaba mihitsy. Mpanota, lò hatrany amin'ny tsoka, ary mandeha manohy hatrany sy hatrany mafy fotsiny arak'izay ahafahany mandeha.

⁵⁰ Na dia nandefy mpaminany aorian'ny mpaminany ho azy ireo aza Andriamanitra, ary niangavy ny olona tamin'ny famindrampo malefaka Izy, fa nanatodika ny lamosiny tamin'Izany izy ireo. Nila ny lâlany izy ireo, Israelita izy ireo,

afaka izy ireo, firenena malaza iray izy ireo, ireo razambeny dia nanao an'izao-sy-izao (Davida sy Solomona), afaka nanao an'izay tiany izy ireo. Ilay zavatra iray ihany mihitsy izay nanaovantsika fototra ny tenantsika, marina tokoa; izay i Washington, ireo razambentsika, sy izay notohanant'izy ireo. Fa, rahalahy, any amin'ny iray tapitrisa maily an'ireo zavatra ireo isika; ireo fiangonantsika, iray tapitrisa maily.

⁵¹ Ilay tranainy . . . Ilay fiangonana Metodista amin'izao andro izao, amin'izay naaha-izy an'ilay fiangonana Metodista fahiny! Inona ilay Pentekotista amin'izao andro izao, ary inona izy fahiny! Inona ilay Batista amin'izao andro izao, amin'izay naaha-izy azy fahiny! Raha nanana fotoana hiverenana isika ka hiresaka ny amin'i John Smith sy ny maro amin'ireo mpanavao voalohany. John Smith dia nilaza, talohan'ny nahafatesany, nanao hoe, "Ny zavatra mahatsiravina dia manomboka manao peratra volamena eo amin'ny rantsan-tanany ireo vehivavy Metodista." Metodista! Inona no holazainy amin'izao andro izao raha mahita azy ireo manapaka ny volony, ary loko manerana ny tarehiny rehetra, manao sorta? Izany dia nohon'ny fahotana!

⁵² Inona no nataon'Andriamanitra teto Amerika? Nandefa fifohazana aorian'ny fifohazana, fifohazana aorian'ny fifohazana. Nitory ny Teny ireo mpitoriteny, niezaka niantso ny olona hiverina amin'Andriamanitra. Ary inona no nataon'izy ireo? Ilay zavatra iray ihany izay nataon'i Isiraely, nanao tsinontsinona an'Izany! Naneso azy ireo! Niantso azy ireo hoe "holy-rollers"! Nandefa azy ireo tao am-ponja!

⁵³ Raha ny anankiray tamin'ireo anabaviko sy anankiray tamin'ireo rahalahiko, aby amin'ity fiangonana ity androany, no nitsangana tany amin'io hotely io omaly hariva ka nanangana ny tanany ary nidera an'Andriamanitra sy nihiaikiaka tao amin'io efitra io, dia ho tany am-ponja izy ireo androany nohon'ny amin'izany. Fa mamolava iray, andiana "unholy-rollers" adala domelina no afaka mitsangana any ka miantsoantso ny alina manontolo; ary misotro, sy mingoso ary manala ny akanjon'ireo vehivaviny ka manao hadalana, ary mianjera eo amin'ny gorodona ka miantsoantso mandritry ny alina manontolo, nefo tsy afaka milaza teny iray mikasika an'izany akory aza izy ireo. Tsy mahagaga raha voaozona eo ambanin'ny tanan'Andriamanitra isika!

⁵⁴ Mariho, hatrany sy hatrany, dia nandefa mpitoriteny Andriamanitra, naneho famantarana sy fahagagana, nanaporofo Ny Teniny. Ary ny loza amin'ilay zavatra, dia mpitonandra fivavahana moderina maro no nandà an'Izany ka naneso ny fifohazana tsirairay. Tahaka an'ilay mody antsoina hoe Fianganon'i Kristy sy izy ireo, "Efa lasa ireo andron'ny fahagagana." Miezaka ny tsara indrindrany mba hanajanona an'izany eo amin'ilay sisa nanamborana kelin'Andriamanitra. Tahaka ny tany Isiraely, dia toy izany koa ilay izy amin'izao

andro izao. Matetika, dia tsy maintsy mamoaka ny Olony avy ao amin'ireo rafi-pandaminana sy anaram-piangonana Andriamanitra, mamoaka azy ireo hankany an-efitra irery, mba hiresaka amin'izy ireo. Ary hanana sisa nanamborana iray Izy, aza manahy ny amin'izany ianareo. Efa nanao Izy tamin'izany, hanao Izy ankehitriny. Nanohy nandeha hatrany sy hatrany tao amin'ny fahotana izy ireo, niroboka tao anatin'ireo zavatra. Nahoana? Ny fitarihan'izy ireo, tsy misy na inona na inona hampijanona an'izany.

⁵⁵ Eny, amin-kitsipo, mahafantatra firenena maro aho izay raha mahatratra ny olona eny an-dalambe miakanjo tahaka ny ataontsika eto Amerika eto izy ireo, dia hataon'izy ireo ao am-ponja izy ireny. Rehefa nandeha tany Saint Angelo aho, tany Roma (ankehitriny, eritrereto izany, ambany toy ny ahoana izany), nanana takelaby iray izy ireo tany, eo akaikin'ny fasan'i Saint Angelo hoe, “Ho an'ireo vehivavy Amerikana: ‘Anaovy ny akanjonareo azafady ka hajao ny maty.’”

⁵⁶ Raha misy zavatra izay manao anareo harary, dia ny mahita andiana mody antsoina hoe Amerikana tonga. Nipetraka aho, tany Lausanne, nankafy hena nendasina iray izahay, indray andro, izaho sy Rahalahy Arganbright. Ny ampitso, niverina izahay satria sakafotsara ilay izy. Afaka nitondra rano iray aho tany, tsy nandroso afa-tsy divay izy ireo. Ary nitondra rano aho, tsy maintsy nitondra tavoaran-drano iray ho ahy aho teo ambanin'ny sandriko manokana, isan'andro, satria tsy nandroso rano ho anareo izy ireo eo amin'ny latabatra. Noho izany dia nuditra tao aho, ary tsara ny zavatra rehetra mandra-piditry ny “Miss America” niaraka tamin'ny alika kely iray, maloto, voloina be orona; manao firavaka teny an-tsena tahaka an'izao, ary sigara iray mivoaka eny amin'ny farany tahaka an'izao, nipetraka teo nihevi-tena ho zavatra izay tsy naha-izy azy; ary nametraka an'io alika voloina io teo ambonin'ny latabatra, zavatra maloto, voaloto.

⁵⁷ Izany dia...ny alika iray no zavatra ratsy indrindra izay resahan'Andriamanitra. Na dia ny ampahafolon-karena avy amin'izy ireny aza dia tsy azo aloha akory ao an-tranon'Andriamanitra. “Tahaka ny janga izany, ampahafolon-karenan'ny janga iray,” hoy ny Baiboly. Ary, kanefa, eo ianareo izao. Hampihatra fifehezam-piterahana izy ireo ary handoa arivo dolara, saiky, ho an'ny alika kely ratsy iray; ary mitarika azy manerana sy manome azy fitiavan-janaka iray, mba ahafahany mandeha mivoaka mandritry ny alina manontolo, ka hampihatra fifehezam-piterahana.

⁵⁸ Inona no miandry afa-tsy fahapotehana! Mety tsy handre ny feoko intsony indray ianareo, saingy tiako ianareo hahatsiaro an'ity: Eo amin'ny farany isika!

⁵⁹ Eo, mahita an'izay niseho isika, izay nisy. Farany, tonga ilay ora *lehibe*: Voafidy i Ahaba, ary rehefa voafidy izy, dia nanambady an'i Jezebel; io vehivavy lò ratsy izay nitarika ny Isirael rehetra nankany amin'ny fanompoan-tsampy io. Ary tahaka ny nataon'i Isirael tamin'izany, nahoana, ity... Tsy maintsy tao amin'ny toerana iray niverin-dàlana izy ireo, mba hamela zavatra tahaka an'izany hitranga tao amin'ny fireneny. Ny lalàna dia nataon'ny olona ho an'ny olona, ary nanao an'ilay zavatra iray ihany isika!

⁶⁰ Nisy fotoana iray izay tsy nananan'i Amerika... nahafantatra tsaratsara kokoa noho ny namela an'ilay mpivarotena ratsy, ilay mpijangajanga ratsy izay mamon'ny ràn'ireo maritiora, namono azy izy ireo, ary ny antony nandosiran'zy ireo teto, dia ho an'ny fahafahana, tsy nahatanty na inona na inona tahaka an'izany izy ireo. Izany no maneho fa ao anatin'ny toerana miverin-dàlana isika, firenena iray manontolo, mba hifidy karazan-javatra tahaka an'izany. Oh, mazava ho azy, ankehitriny ianareo... ny sasany aminareeo Demokraty mafana fo tsara dia hihevitra an'izao, hoe "Oh, eny, izy dia—hanao sefo ara-politika tsara iray izy." Mety ho tena tsara izany amin'ny fandanjalanjana, amin'ilay fisainana ara-nofo. Fa ho an'ny Tenin'Andriamanitra sy ny fisainana arapanahy, dia tsy misy dikany izany. Tsy misy dikany tokoa, dolara vitsy amboniny ary hetra vitsivitsy na zavatra mihena tahaka an'izany.

⁶¹ Ary miaina fotoan-tsarotra iray isika, ireo misionerantsika eny amin'ny saha amin'izao andro izao, satria noraisina ho firenena Katolika iray isika ankehitriny. Nahoana, azo antoka, Rosia dia noraisina ho kominista satria manana mpitarika kominista iray izy ireo. Chine Mena dia noraisina ho kominista satria manana mpitarika kominista iray izy ireo. Noraisina ho Katolika isika satria manana mpitarika Katolika iray.

⁶² Oh, rehefa teo amin'ny sez a fiandrianana i Ahaba... Hoy ianareo hoe, "*Izy no eo amin'ny sez a fiandrianana.*" Marina izany, saingy Jezebel no sefo tao ambadik'io sez a fiandrianana io. Izy no anankiray izay nanao ny fitarihana. Jereo hoe ahoana no nakàny an'ireo tena lalànilay tany ka nanodinany azy ireny, ary ho an'ny tombontsoany manokana sy ho an'ny filàny manokana, ka nanao an'i Ahaba hanao an'izany satria nanambady azy izy. Ary tahaka an'izany ny mpitarika antsika amin'izao andro izao. Tsy milaza aho hoe tsy lehilahy iray mahafinaritra izy, fa jereo izay aoriany: ilay mpijangajanga, ilay tena zavatra izay nandosirantsika eto (ho Amerika) mihitsy, ireo tena fitsipika izay iorenan'i Amerika mihitsy. Isika, tamin'ny alàlan'ny safidintsika manokana, dia nifidy zavatra tahaka an'izany.

⁶³ Ankehitriny dia hitanareo hoe nahoana no hampanginina tsy ho ela mihitsy ny feoko. Saingy hahafantatra ny olona iray!

Eny! Nahoana? Apokalypsy 2:20, izy dia niantso ny tenany ho "mpaminanivavy." Diniho fotsiny ilay onjam-pahotana izay mitranga ankehitriny. Diniho ilay tsoka mandeha mihitsy hatrany amin'ny tsoka. Diniho ireo moderina, diniho ireo zavatra tsy masina izay mitranga ao amin'ireo fiangonana. "Ary, farany, dia ho tonga ny fanenjehana iray," ny Baiboly no miteny an'izany, HOY NY TOMPO HOË! Izany tokoa, hisy izany.

⁶⁴ Avy eo dia inona no hitranga? Tahaka ny nitranga tamin'izany mihitsy, dia ho toy izany koa ilay izy ankehitriny. Izy no hery tao ambadik'izany, izy no anankiray izay nifehy an'izany. Vakio ny... Mino aho fa izany dia ny fito-... eo amin'ny toko faha-17 na faha-18, any ho any, hahita an'izay nataon'i Jezebelia ianareo: ahoana no nitondrany an'i Ahaba, ary tsy afaka nilaza na inona na inona mikasika an'izany izy satria vadiny io. Jereo hoe teo amin'ny inona no niorenan'ilay firenena tamin'izany, Israélita mpiverin-dàlana iray niaraka tamin'ny vady iray mpanompo sampy (taoriany) izay mpanompo an'i Bala. Ary inona no nataony? Farany dia nanao ny zavatra rehetra ho tena moderina izy, ary tena tsara tarehy, ary tena mora no nahazoan'ny olona an'izany, mandra-pahatongan'ilay fiangonana manontolo ho lavo tamin'izany, ireo mpitoky teny sy ny rehetra. Tsy nilaza ve i Elia hoe, "Tompo, izaho irery sisa no hany tavela"? Ary tahaka ny tamin'izany, dia mirazotra ilay izy amin'izao andro izao.

⁶⁵ Natahotra ny hilaza zavatra izy rehetra. Tsy ilay zavatra iray ihany mihitsy ve izany amin'izao andro izao? Natahotra ny hilaza zavatra izy ireo. Noho izany dia hitantsika, nalemy fotsiny izy ireo, miankina amin'ny kisendrasendra, mamo, manao hadalana, hadalam-pahafinaretana, ary ny zavatra hafa rehetra, tahaka azy amin'izao andro izao mihitsy. Nanodina an'ireo Soratra i Jezebelia... Inona no nataony... na ireo lalàna ireo, tahaka—tahaka ny hanodinan'i Jezebelia. Tsarovy, Jezebelia, izy dia miantso ny tenany hoe "mpaminanivavy," mba hanapaka ny olona, ary milaza izy fa izy "no feon'Andriamanitra tokana eto ambonin'ny tany." Hanao an'ilay fisainana ara-nofo hino an'izany izy azo antoka tahaka an'izao tontolo izao.

⁶⁶ "Hisy fanompoana vehivavy iray, eto Etazonia, ary izany dia ho i Maria." Nahita an'izany aho, telopolo... 1931. Zavatra fito nitranga. Manana an'izany mihitsy aho eto amin'ny taratasy eto, miaraka amiko, nanoratra an'izany tamin'ny 1931. Ahoana fa hoy aho hoe "Ity Filoha ity, Franklin D. Roosevelt, hitondra an'izao tontolo rehetra izao izy, hanampy hanao an'izany, handefa an'izao tontolo izao ao amin'ny ady." Tsy mbola tonga tao amin'ny ady izy, nandritry ny fotoan'ny fahasaratana. Hoy aho hoe, "Zavatra iray hafa,...". Ary ny reniko, Demokraty iray mafana fo, raha tsy njery mafy ahy izy rehefa nilaza an'izany aho. Hoy aho hoe, "Tsy ahoako raha Repoblikana iray izy na Sosialista iray na inona izy na inona, izany no HOY NY

TOMPO HOE.” Dia hoy aho hoe, “Eo am-panaovana an’izany, dia hamela ny vehivavy handatsa-bato izy. Ary rehefa manao an’izany izy ireo, dia nanao ny iray amin’ireo fahafaham-baraka lehibe indrindra izay hany nataon’ity firenena ity.” Dia hoy aho hoe, “Handoa ny amin’izany izy ireo indray andro any.” Ary nataon’izy ireo izany tamin’ity fifidianana farany ity. Izany no nifidy azy, ireo vehivavy.

⁶⁷ Ary ianareo vahoaka mainty hoditra sarobidy, any Atsimo, ahoana no nandatsahanareo vato! Hoy ianareo hoe, “Tsy manana raharaha hilaza an’izany eny amin’ny polipitra ianao.” Oh, eny, manana aho, izany no Tenin’Andriamanitra! Ary ny tasin’i—i Abraham Lincoln, ilay anankiray izay nanafaka anareo, mipetraka any ao amin’io tranombakoka io eo ambonin’ny akanjon’ny vehivavy iray, nefä ianareo mivarotra ny fizokianareo. Mbà menatra ianareo.

⁶⁸ Ary ianareo vahoaka, nohon’ny politika, satria Demokraty tsara iray fotsiny ianareo, dia nandatsa-bato ho an’ny zavatra tahaka an’izany, ka nivarotra ny fizokian’ny Amerikanisma sy ny Kristianisma, mba hanolotra an’izany ho an’ilay mpijangajanga izay nampandositra antsika nankao amin’ity firenena ity, izay nanao antsika ho izay naha-izy antsika. Hitanareo ve hoe toy ny ahoana no nandadiany niditra? Tena mora, mandra-pahatonga azy eo amin’ny sezä fiandrianana ankehitriny. Azo antoka! Ny sezä fiandrianan’i White House.

⁶⁹ Diniho! Efa... Efa hitanareo ve indray andro ny mikasika an’ireo sekoly Katolika sy sekoly Protestanta? Manohana an’ilay sekoly Katolika fa tsy ilay Protestanta. Hitanareo? Oh, rahalahy! Diniho ny onjan’ny karazan-javatra iray manatona ankehitriny. Mariho, ary satria nanao an’izany izy ireo, dia diniho izay niseho. Manao antontany io fahotana rehetra io. Tonga eo amin’ny toerana iray ka mitondra ny firenena ao amin’io karazana toerana manjavozavo io.

⁷⁰ Taona vitsy lasa izay, rehefa nanana izy ireo... nipoitra ireo Pentekotista voalohany, namonjy ny firenena izany taona vitsy lasa izay rehefa nilatsaka i Al Smith. Nahafantatra tsaratsara kokoa i Amerika tamin’izany. Saingy lasa tena araka an’izao tontolo izao ny Pentekosta ka nanohy avy hatrany ary nivarotra ny zony amin’ny maha-Kristiana iray, tamin’ny politika, ary politika no ambonin’ny Baiboly. Oh, oadray!

⁷¹ Ankehitriny, iray minitra fotsiny, ary diniho fotsiny hoe ahoana no iafaran’ity. Ankehitriny, hitantsika izay nataon’izy ireo sy ireo zavatra izay nataon’izy ireo, mahita an’izany mirazotra marina tokoa isika eto, fahotana eo amin’ny lafiny rehetra. Tonga i Jezebelä, namosavany ny vahoaka rehetra. Ary mariho, farany, dia nanomboka nanorina toerana masina goavana ho an’i Bala izy. Marina ve izany? Ary nirohotra avy hatraiza hatraiza ireo mpisoron’i Bala mba hiditra tao amin’io

toerana io, ary nanomboka nandoto an'ireo tany tamin'ny fanompoana an'i Bala.

⁷² Jereo hoe ahoana no nataon'izy ireo, jereo hoe ahoana no nisarihana azy ireo niditra. Ireo zavatra izay nataon'izy ireo mihitsy, jereo hoe aiza no misy azy ireo amin'izao andro izao. Jereo ny Katolisima mitelina, mitelina, mitelina; mampanambady, manimba an'ity, izay nolazain'i Daniela marina tokoa fa hataon'izy ireo. Tsy hifangaro ny vy sy ny tanimanga, fa mampifangaro ny voany, manimba. Ny zazavavy Protestanta rehetra izay manambady zazalahy Katolika dia tsy maintsy mitaiza an'ireo zanany ho Katolika. Ny rehetra dia tahaka an'izany, manambady, mampifangaro, tahaka an'izany ilay izy hany ka tonga eo amin'ny toerana iray izay hahenika tanteraka an'i Etazonia manontolo.

⁷³ Inona no hataontsika amin'ny maha-misionera, izay mandeha any mba hanafaka an'i Amerika Atsimo sy any amin'ny ampahany rehetra an'izao tontolo izao, Tommy Osborn sy izy ireo, miezaka mamoka ny olona avy ao amin'io fanompoantsampy io nefo afaka manondro ny rantsan-tanany hatrany indray izy ireo fa isika no nifidy ny mpitarika antsika, dia ilay zavatra iray ihany. O Andriamanitra. Inona no—inona no hitranga amin'ity izao tontolo izao ity? Tokony hanozongozona ny olona tsirairay ato izany. Ahoana no hamalantsika? Inona no holazain'ilay misionera rehefa milaza izy ireo hoe, "Tonga teto ianao mba hanafaka anay amin'ity, nefo ny vahoakanao manokana no nametraka an'ilay zavatra iray ihany ao amin'ny biraonao any, eo amin'ny seza fiandrianana"? Ahoana no hataontsika... Inona...

⁷⁴ Jereo indray ao amin'ireo pejin'ny tantara, mamadiha indray ka jereo raha izany—raha tsy tena, saiky, tsy araka ny lalàmpanorenana izany. Tsy nanao an'izany izy ireo taona maro lasa izay saingy, hitanareo, nivarotra ny zöntsika Kristiana ho an'ny politika isika, ary tahaka an'izany no nanatsofahan'ny devoly ny tenany. Tsy nisy afy-tsy endrika ivelany iray fotsiny ho an'i Jezebela i Ahaba. Izay ihany no haha-izy an'ity, endrika ivelany iray fotsiny. Tsy hanao an'izany samirery izy, fa io rafitra aoriany io no hitarika azy ho amin'izany. Marina tokoa! Tsongoy ny fieritreretanareo, ianareo Kristiana. Fohazo ny tenanareo, tara noho izay heverinareo izao. Ilay toerana izay misy antsika, ny toerana izay nisy azy ireo, ary ahoana fa namela ny tenany ho votsotra izy ireo.

⁷⁵ Ahoana fa tsy maintsy niantsoantso ilay fon'Andriamanitra lehibe tia, ary nitomany, raha nahita ny Olony misionera Izy. Nanao azy ireo ho ohatra iray, tonga hatraiza hatraiza ireo firenena rehetra satria nitahy azy ireo Andriamanitra, nahita azy ireo tao amin'ny firaisana, ara-panahy, nanompo an'Andriamanitra. Ary avy eo ny mieritreritra fa Izy—naniry mafy ny hahita azy ireo hiverina amin'ny fitiavany voalohany

Izy ka hanao izay marina, saingy nanalavitra hatrany izy ireo, ary nanalavitra, sy nanalavitra, hany ka nuditra i Jezebelo tamin'ny farany. Izany marina tokoa no nataontsika. Nisintaka niala tamin'ireo fitsipik'i Kristy. Rehefa nandefa an'ireo Mpitoriteniny nanerana ny firenena Andriamanitra, dia nitory ny fahamasinana izy ireo (Mpivahinin'ny Fahamasinana, Nazareana, Pentekotista) hoe, "Miverena amin'Andriamanitra! Miverena amin'Andriamanitra!"

⁷⁶ Ary ireo tena fiangonana niorina tamin'ny andro fahiny dia nihomehy fotsiny sy naneso. Betsaka tamin'ireo mpino moderina, nahoana, nanameloka ny zavatra rehetra izay nataon'ireo lehilahy ireo izy ireo ka nanao hoe "Avy tamin'ny devoly izany." Inona no nataon'izany? Ary nanomboka nihaino an'izany ny fiangonana, nanomboka nihaino ny maro an'isa. Ny zavatra voalohany fantatrareo, "Raha afaka nanao an'ireny karazan-javatra ireny ny vehivavy Katolika, dia afaka ihany koa ny Protestanta. Raha afaka manao an'ity ny fiangonana Katolika, dia afaka ihany koa ny Protestanta. Noho izany raha afaka ny Metodista, dia ahoana ny amin'ny Batista? Noho izany raha afaka ny Batista, dia ahoana ny amin'ireo Pentekotista?"

⁷⁷ Hitanareo, izany no ampidirin'ireo rafitra nataon'olona ao aminareo. Haleloia! Marina izany. Izany no antony anoherako an'izany, satria manohitra an'izany ny Tenin'Andriamanitra. Rafitra nataon'olona: Andriamanitra dia manohitra an'izany, manohitra an'izany Ny Teniny, hanohitra an'izany ireo Mpaminaniny, hanohitra an'izany ireo Mpanompony mahatoky, hanohitra an'izany izay rehetra nateraky ny Fanahin'Andriamanitra.

⁷⁸ Jereo hoe ahoana no nandehanan'i Isiraely, ahoana no nitsingevanan'izy ireo niaraka tamin'ilay samonta, hany ka tonga i Jezebelo tamin'ny farany. Jereo hoe ahoana no nandehanan'i Amerika, ary nitsingevana niaraka tamin'ilay samontan'izao tontolo izao, mandra-pakan'i Jezebelo ny seza fiandrianana. Marina izany. Ankehitriny, tsy teo amin'ny seza fiandrianan'i Egypta tokoa i Jezebelo...na, seza fiandrianan'i Isiraely, saingy izy no sefo lehibe tao ambadik'ilay seza fiandrianana. Ary tsy eo amin'ny seza fiandrianan'i Etazonia ny laharam-boninahitra Katolika, saingy izy no ilay rafitra ao ambadik'izany satria nivady taminy izy. Ary ny Baiboly no nilaza, tao amin'ity firenena ity, fa izy ireo dia hanao "sary iray mitovy amin'ny bibidia."

⁷⁹ Oh, rahalahy, ranabavy, inona ny olana? Eny, izaho-fantattro hoe inona ilay izy. Nilaza ny Baiboly fa ho ao amin'ity taonan'i Laodikia ity izy ireo, ary ao no misy antsika. Mety hankahala ahy ianareo ankehitriny, saingy indray andro any dia tsy hankahala ianareo rehefa mahita an'izay Fahamarinana. Mety tsy mifanaraka ianareo ka hitsangana ary hijadojadona hivoaka amin'ny tranobe, maneho fotsiny ny tsi-fahalalanareo

izany. Fa indray andro any dia hahafantatra ianareo, indray andro any dia haniry ianareo ka hahafantatra fa izany no Fahamarinana! Miteny an'Izany amin'ny Anaran'ny Tompo aho! Mametraka ny tenako ho fikendry iray aho, izay hitondra ahy any am-pasana amin'ny farany. Ho vavolombelona iray mandra-pahafatiko aho, raha hanampy ahy Andriamanitra. Marina izany.

⁸⁰ Indro isika ao amin'ny toerana izay misy antsika androany, ny rehetra amin'izany dia manohy tahaka an'izany. Tao Isiraelly, toy ny ahoana no nataon'i Ahaba, sary ivelany iray ho an'i Jezebel satria izy dia ni-...nivady taminy izy. Amerika, ny mpitarika antsika, ahoana no nataon'ny...Fantatralereo ve fa lehilahy iray manan-karena ny mpitarika antsika? Firy no mahafantatra an'izany? Mpanapitriza iray. Niteny tamiko ny olona iray, tao amin'ny magazina iray na radio na televiziona na zavatra anankiray, Jack Benny na olona iray no nanao ny... Ernie Ford, mino aho fa izay ilay izy. Nilaza ny olona iray fa "Ny rainy no nanampy azy hahazo fanjakana roa izay tsy azy." Saiky mahazo ny sisa amin'izany. Ahoana no nahazoany an'izany? Ahoana no nahatongavan'izany vola izany? Tamin'ny alàlan'ny fanaovana whisky, sy toaka. Izany no antony nampidinany ny hetra teo amin'ny whisky sy ny karazany. Izany no nanao azy ho lehilahy iray manan-karena. Ilay tena zavatra izay nanozona ny firenentsika, ilay tena zavatra izay nandoto ny fisainan'ny vahoakantsika, ilay zavatra izay nandefa an'ireo zazalahintsika ho lasa mamolava, sy ny zazavavintsika ho lasa mpivarotena, ny vola avy tamin'izany no nanao azy ho lehilahy iray manan-karena.

⁸¹ Ilay zavatra iray ihany, io rafitra fahinin'i Jezebel aho, ilay zavatra iray ihany izay nanenjika ny vahoakantsika, ilay zavatra iray ihany izay nampandositra azy ireo (tao amin'ny Romanisma) sy nandoro azy ireo sy nisintona azy ireo hihataka ary nanao ny zavatra rehetra tamin'izy ireo, ilay ràn'ireo maritiora iray ihany (hoy ny Baiboly) dia tao aminy! Eo izy ireo izao, niaranivady. Ary manohy mivembena isika Amerikana hoe, "Oh, eny, mahazo dolara vitsy amboniny isika ary manana fotoana tsara iray. Tsaratsara kokoa noho ny sisa rehetra amin'ny firenena." Saingy, rahalahy, andraso iray minitura fotsiny.

⁸² Ndao raisintsika litera amin'ny litera izany ankehitriny, mandritry ny minitura vitsy, jereo izay nitranga.

⁸³ Nanaraka avy hatrany ireo mpitory teny, niondrika fotsiny niaraka tamin'izy ireo, nanohy avy hatrany niaraka tamin'izy ireo, ny rafitra rehetra. Nanohy avy hatrany niaraka tamin' Jezebel ilay rafitra Israelita manontolo. Nanana endrika iray izy ireo, eny. Ary tsy miteny amintsika ve ny Baiboly fa ao amin'ireto andro farany ireto isika dia hanana "endriky ny toe-panahy araka an'Andriamanitra"? Tanteraka ireo faminianiana rehetra, rahalahy, eo amin'ny farany isika izao!

Ara-pirenena, dia eo amin'ny farany isika izao! Ara-panahy, dia eo amin'ny farany isika izao! Ny rafitra tsirairay dia eo amin'ny fiafarany! Ny zavatra manaraka dia ny fihavian'ny Tompo sy ny famindràna an'ilay Fiangonana.

⁸⁴ Nandefa ny famantarana rehetra Andriamanitra, fahagagana, nanao ny zavatra rehetra izay Azony natao, niezaka nisintona ny olona, ary nanohy nuditra avy hatrany tsy ankitsahatra izy ireo. Jereo ity tanàna eto ity. Jereo ity faritra manodidina eto ity, miaraka amin'ireo olona Pentekotista an'arivony sy an'arivony; ary nohon'ny fijoroana amin'ny Fahamarinana, dia aiza izy ireo izao tolakandro izao? Satria nisy olona iray niteny tamin'izy ireo mba tsy hiara-hiasa amin'ilay favoriana. Ianareo mampalahelo, minia... Hamindra fo aminareo anie Andriamanitra, izany no zavatra tokana azoko lazaina. Rehefa tsy manana taolan-damosina ankoatran'izany ianareo Kristiana, dia taolan-tratran'akoho iray no anananareo raha tokony ho taolan-damosina. Marina! Ny ilaintsika dia "mitory ny Filazantsara miaraka amin'ny nify ao anatin," izay hitetitetika an'ilay zavatra ho potipotika. Nandeha fotsiny tahaka ny sisa amin'izy ireo, avy eo dia manontany ianareo hoe nahoana isika no mihorakoraka mikasika an'izany. Noho izany, hitanareo, ianareo dia manana an'ilay "soroka mangatsiaka." Manantena an'izany aho, tsy maintsy.

⁸⁵ Niseho tao Isiraely io rehetra io. Farany, indray andro, dia nivoaka nijadojadona avy tany an-efitra, tonga ny lehilahy iray antitra voloina, Elia ilay Tisbita. Tsy nivoaka avy tamin'ny iray tamin'ireo rafi-pandaminana mihitsy izy, nivoaka avy tany an-efitra izy! Tsy nisy nidirany tamin'izy ireo. Mpaminanin'ny Tompo izy. Rahalahy, nanozongozona an'io fanjakan'i Jezebelia io izy nohon'ny zavatra rehetra tao anatin. Nankahala azy izy ireo. Tsy nanana fiaraha-miasa izy, hanome toky anareo an'izany aho. Milaza ny Baiboly fa tsy nanana. Izany tokoa. Nanao an'ireo Jezebelia niloko tarehy "ho tezitra mafy" izy, heveriko. Nametraka ny famaky teo amin'ny fototry ny hazo tahaka ny nataon'i Jaona izy, mianjera na aiza na aiza iriany ianjerana ireo poti-kazo, fa napetrany tao izy. Nanozongozona an'ilay firenena izy, naneho fa diso izy ireo, ary niezaka niantso azy ireo hiverina amin'Andriamanitra velona marina iray, sy hiverina amin'Ny Teniny raha tokony fanompoana iray an'i Jezebelia.

⁸⁶ Inona no nataon'izy ireo? Nandray azy ve izy ireo? Nankahalain'izy ireo izy! Saingy nandeha ihany ny Teniny na izany aza, satria nanana ny HOY NY TOMPO HOE izy! Niasa niaraka taminy Andriamanitra, ka naneho fa izy dia mpaminany voahosotra tamin'ny alàlan'ireo zavatra izay nolazainy fa hiseho. Ary izay rehetra nataony no nanaporofo fa mpaminanin'Andriamanitra izy. Kanefa tsy te-hino an'Izany izy ireo, satria namotika an'ireo trano filalaovan'izy ireo izy. Niteny tamin'izy ireo izy hoe diso izy ireo. Saribakoly iray i

Ahaba. Marina! Ary mariho fa tsy nino azy izy ireo, saingy notoriantsy Izany na izany aza. Tsy nisy anankiray tamin'ireo mpitiority teny mba nifanaraka taminy, hoy izy hoe, "Izaho irery sisa no tavela, Tompo. Jereo izy ireo, izy ireo aza tsy... anankiray, tsy misy olona hiara-hiasa." Saingy nanana iraka natao izy ary nataony izany. Nanana ny Tenin'ny Tompo izy, HOY NY TOMPO HOE! Ary nanafika an'ilay firenena izy, nanafika an'ilay fiangonana, nanafika ny zavatra rehetra izay nisy, ka nomba azy Andriamanitra!

⁸⁷ Nampanantenaina isika, amin'ny andro farany, fa hiverina eto amin'ity firenena ity ihany koa izy. Fantattro, Jesosy, rehefa... Matio 17, rehefa nanontany Azy izy ireo hoe, "Nahoana ireo mpanora-dalàna no manao hoe, 'Elias...?'"

⁸⁸ Diniho izay Nolazainy hoe, "Marina tokoa fa tsy maintsy tonga aloha i Elias," efa lasa, ank-... amin'ny fotoana ho avy. Fa avy eo dia nanome an'i Jaona ho ohatra iray Izy. Tsy i Jaona ny Malakia 4. Jaona dia ny Malakia 3, "Indro, Izaho mandefa iraka iray eo Alohaloko, mba hanamboatra ny lèlana."

⁸⁹ Malakia 4, hoy Izy hoe, "Alohan'ny hihavian'ilay andro lehibe sady mahatahotra an'ny Tompo, izay handorana ny tany rehetra tahaka ny vodivary; alohan'izany andro izany, dia handefa an'i Elia Aho."

⁹⁰ Ary tsy i Jaona izany, satria tsy nandoro ny tany mihitsy ny Tompo rehefa tonga i Jaona. Ary raha mahamarika ianareo, ary ao amin'ny toko farany, ao amin'ilay andininy farany, dia hoy Izy hoe, "Ary izy..." (diniho: *izy miresaka*) "...hamerina ny fon'ny ray ho amin'ny zanaka, *ary* ny fon'ny zanaka ho amin'ny ray."

⁹¹ Diniho ankehitriny! Tonga ilay Jaona voalohany, ilay Elia voalohany, inona no nataony? Tonga izy ary nitondra Hafatra iray ka namerina an'ireo fo mafin'ireo ortodoksa fahiny ho amin'ny finoan'ilay fiangonana tanora, ireo zanaka. Fa rehefa tonga ilay Elia manaraka, amin'ny andro farany, dia tsy maintsy hamerina izy ary hitondra ny—ny fon'ny ray...ny fon'ny zanaka, raha ny marina, ary hamerina azy ireo amin'ny Finoan'ireo ray pentekotista. Hitanareo ve ilay fahasamihafana? Tsy ho anankiray amin'ireo *mody-antsoina* izay ananantsika eto amin'izao andro izao ireo izy, hiverina avy hatrany any amin'ny Asa 2 izy ka hanomboka eo avy hatrany. Hitory ny Filazantsara tsy mifangaro izy, hilaza fotsiny an'ireo zavatra iray ihany izay nolazain'i Petera tamin'ny Andron'ny Pentekosta, satria izay nolazainy tamin'ny Pentekosta no nanamarina ny sisa amin'ny Soratra manontolo. Tsy hihodinkodina miaraka amin'ny rafipandaminana iray izy, rehefa tonga i Elia. Hankahala vehivavy tahaka ny nataon'i Elia izy, mitovy mihitsy...na ireo vehivavy adala, tahaka ny nataon'i Jaona mihitsy. Ho mpitia an-efitra tahaka azy ireo izy. Tsy hitsitsy izy. Miandry azy ho tonga isika. Ho avy izy! Andriamanitra no nilaza fa ho avy izy, ary ho eto izy!

⁹² Mino aho, raha misy zavatra, ny Hafatra izay azontsika amin'izao andro izao dia hialoha lèlana an'io fihaviany lehibe io. Eny, tompoko! Eny amin'ny lèlany izy, efa teraka. Tahaka an'i Elia, ary nivoaka nivatravatra avy tany an-efitra, hampahafantatra ny tenany any ho any izy. Hitory ny Asa 2 izy. Hamerina avy hatrany ny Finoan'ireo ray Pentekotista fahiny izy ho amin'ny... ny finoan'ireo zanaka Pentekotista, hiverina avy hatrany amin'ny Finoan'ireo ray Pentekotista. Handeha avy hatrany izy, hiverina amin'ny Asa 2, Asa 2:38, ary manerana rehetra. Hitondra an'ilay tena Filazantsara, tsy mifangaro izy. Tsy hisy hidirany amin'i Jezebel sy ny rafiny. Ho mpanompon'Andriamanitra iray izy. Azo antoka fa ho izany! Ny Baiboly no nilaza fa ho avy izy. Haminany izy ary hivatravatra ny Hafany eo anatrehan'ireo Jezebel ireo, tahaka ny nataon'i Elia marina tokoa tamin'i Isiraely tany amin'ny voalohany. Hankahala azy izy ireo! Tsy hiara-hiasa aminy izy ireo. Tsia, tsia. Ho avy izy! Andriamanitra no nampanantena an'izany, ary hiseho eo amin'ny sehatra izy. Izy dia—history amin'ilay Fianganana Voafidy izy araka ny Voalazany fa hataony, hanozongozona an'io Voafidy io izy, hanaisotra ny ara-nofo avy ao aminy, ilay—ilay izao tontolo izao sy ny sisa, hanintsana an'izany, hampangotraka an'izany, hanakambana an'ilay Fianganana, vahoaka iray.

⁹³ Fantatro fa hoy ianareo hoe, “Ny anaram-pianganako izany.” Rahalahy, diso ianareo! Tonga toy ny rafitry ny lehilahy anankiray i Jaona mba hampiditra Lehilahy Anankiray: Jesosy Kristy. Ary Elia dia tsy ho rafitra iray, ho lehilahy iray izany, Jesosy no niteny an'izany. Ho lehilahy anankiray izay voahosotry ny Fanahy Masina izany. Ary tsy hampiditra andriamanitra telo na efatra mihitsy izy, hampiditra Anankiray izy: Jesosy Kristy Tompo, satria ny Hafany dia hanozongozona an'ireo zanaka Pentekotista hiverina amin'ny Finoan'ny ray indray.

⁹⁴ Tsarovy, rahalahy, raha milaza an'ireto zavatra ireto mba ho ratsy fanahy aho, dia mila ny ho eto amin'ny alitara aho. Miteny aminareo aho hoe, “HOY NY TOMPO HOE!” Raha tsy nanamarina an'izay noteneniko taminareo ho ny Fahamarinana Andriamanitra, manerana ny firenena, manerana an'izao tontolo izao, amin'izay fotoana izay dia teneno amiko hoe taiza no nisy an'ilay fahadisoana. Miteny aminareo ny Fahamarinana aho! Miverena amin'Andriamanitra, haingana mihitsy! Mivoaha avy ao amin'ireo rafitra ireo, satria nilaza ny Baiboly ao amin'ny Bokin'ny Apokalypsy, fa ny ambaratongam-pahefan'ny Katolika Romana dia “janga,” ary izy no “renin’ny mpijangajanga.” Inona izany? Ireo fianganana, ireo rafitra.

⁹⁵ Ary avy taiza ny fianganana Metodista, taiza ny fianganana Loterana, no nivoaka? Avy taiza ny Metodista, Batista, avy taiza no nivoaka ireo rafi-pandaminana rehetra? Tsy nandrafitra fianganana anankiray mihitsy Andriamanitra. Nilaza ny

fiangonana Katolika fa izy ireo no nanomboka tany aoriana tany hoe, "Jesosy no nandrafitra ny fiangonana." Mila aho—mila an'ilay pejy aho ao amin'ny tantara, na ilay pejy ao amin'ny Baiboly. Tsy nisy rafi-pandaminana iray mihitsy nandrity ny enina amby telonjato taona taorian'ny fahafatesan'ilay apostoly farany, avy eo vao nanao ny Fiombonambe Niseana izy ireo ka nanao rafi-pandaminana iray. Ary rehefa nivoaka i Luther... lehilahin'Andriamanitra malaza izy, saingy vantany vao lasa izy, dia tonga teo io vondrona kely io ka nanao rafi-pandaminana hafa iray. Avy eo dia nivoaka nankeo amin'i John Wesley ny Fanahy Masina, tsy nandrafitra na inona na inona mihitsy izy, fa taorian'ny nahalasanany dia nandrafitra izy ireo. Avy eo dia tonga niaraka tamin'ireo Pentekotista ny Fanahy Masina, ary nivoaka avy tao amin'ny Metodista izy ireo. Dia inona no nitranga? Avy eo *izy ireo* dia nandrafitra.

⁹⁶ Fa hisy rafitr'olona anankiray hivoaka miaraka amin'ny hery sy ny hosotr'i Elia, mba hanatanteraka ny faminaniana. Haleloia! Izy no hanozongozona an'izany. Ary, tsarovy, naminany tamin'izy ireo izy, ary naminany, ka niteny tamin'izy ireo ny zavatra rehetra, ary niasa niaraka taminy Andriamanitra. Fa ny Hafany farany dia nanafika ny White House. Ah-hah. Rehefa tonga i Jaona, ny Hafany farany dia nanafika ny White House an'izany andro izany. Ny Hafatr'i Elia farany, rehefa nandeha teny amin'io lèlana io izy tamin'io maraina io rehefa avy tao amin'ny Fanatrehan'Andriamanitra tany, nandeha teo amin'io lèlana io niaraka tamin'ny volo antitra nanerana azy, namiratra ny lohany sola, nikopaka ireo volombava, ireo maso kely, antitra namirapiratra tamin'ny voninahitr'Andriamanitra. Io tehina io no teny an-tànany, ary ny tongony dia mafy arak'izay naha-izy azy ireo. Inona no nataony? Nandeha avy hatrany avy tao Samaria nankao amin'ny fanatrehan'ny White House, ka nanao hoe, "HOY NY TOMPO HOE!" Tsy natahotra na inona na inona. Nandà azy ireo fiangonana, nandà azy ny olona, noho izany ankehitriny dia hanome ny fanafihany farany izy, teo amin'ny White House.

⁹⁷ Avy eo dia inona no nitranga taorian'io? Henoy! Taorian'io fanafihana io, dia lasa nangina ny feony, tsy nisy olona nandre azy intsony. Niantso azy niala teo amin'ny sehatra Andriamanitra, nanao hoe, "Elia, efa nampahafantatra ny Hafatralo tamin'ny Isiraely rehetra ianao, fantatr'izy ireo Izany. Ankehitriny dia miakara eto any an-efitra, manalavira azy ireo, saraho ny tenanao satria hanao zavatra Aho. Hasehoko azy ireo hoe inona ny mandà Ny Hafatralo." Inona no niditra? Ady, mosary, hanoanana.

⁹⁸ HOY NY TOMPO HOE, "Diniho izay ho avy! Diniho izay hanaraka! Nisy mosary iray, *hisy* mosary iray!" Oh, angamba tsy ho an'ny mofo, fa ho an'ny fandrenesana ny Tenin'Andriamanitra sy Ny Fahamarinany. Hifankahazo ny fiangonana rehetra ka

hiditra ao amin'izany na izany aza, tahaka ny efa nilentehan'izy ireo niaraka tamin'izany.

⁹⁹ Inona no nataon'i Elia? Nahita loharano niafina iray izy, tany ambonin'ny tendrombohitra izay nahazoany Ranon'Aina iray, ireo fanambarana Masina avy tamin'Andriamanitra raha niptraka tany izy teo ambanin'ny herin'Andriamanitra. Ireo fanambarana dia loharano kely mafina, raha ny sisa tamin'izy ireo koa dia tratry ny mosary. Ary mitahy an'ireo Mpanompony Andriamanitra (ireo goaika), nitondra zavatra ho azy mba hohanina izy ireo raha mbola nitoka-monina niala tamin'ny olona izy. Ary tany izy ireo tratry ny mosary ho an'ny fifohazana iray sy ny rehetra niseho. [Elanelana tsy voaraki-peo—Mpand.] “Tsy mandre intsony ny amin'ireo fifohazany tao... Aiza ilay antitra masiaka izay mandehandeha manapoaka an'ireo rafi-pandaminanay iny? Aiza no misy azy ankehitriny?” Tsy nahafantatra izy ireo. Nanala ny tenany niaraka tamin'Andriamanitra izy, nankao amin'ny toerana iray nitoka-monina izay tsy nandrenesan'izy ireo ny feony. Avy eo dia nanomboka nahita izy ireo.

¹⁰⁰ Rehefa mandefa Hafatra iray Andriamanitra ka miteny amin'ny olona, nefä tsy mandray an'Izany izy ireo, amin'izay fotoana izay dia manala ny Mpanompony Izy ary mandefa an'ireo Lozany: mosary, fahafatesana (amin'ny fiteny arapanahy, ara-batana ihany koa). Miandrasy fahoriany iray, rahalahy. Mihevitra ianareo fa nahita zavatra, miandrasy fotsiny afaka kelikely. Tsy nahita na inona na inona ianareo. Mihevitra ianareo fa mangetaheta mafy fifohazana ara-panahy tsara iray ianareo, miandrasy afaka kelikely. Miandrasy fotsiny, maniry fatratra sy mitomany mba handre ny Tenin'Andriamanitra. Ny Baiboly no niteny an'izany! “Hisy mosary amin'ny andro farany,” hoy ny mpaminany, “ary tsy ho an'ny mofo na rano irery ihany, fa ho an'ny fandrenesana ny Tenin'Andriamanitra marina.” Fa hangina io feo io, any an-efitra any ho any, hiafina.

¹⁰¹ Handidy an'ireo goaika Izy, ireo Mpanompony. Isaorana ireo vorona, ireo Mpanompony, izay nitahiry ny feon'i-i Elia ho velona nandritry ny fotoan'ny—ny fitokana-moniny niala tamin'ny fiangonana. Nitondra hena sy mofo ho azy ireo goaika tamin'ny maraina, ary hena sy mofo tamin'ny hariva, ary nisotro avy tamin'ilay loharano kely izy raha ny sisa tamin'izy ireo kosa tany tsy nisy sakafy sy rano ara-panahy mihitsy.

¹⁰² Avy eo indray andro, rehefa avy nahavita ny famonoany ny fahotana, ka nanao ny Olony handohalika Andriamanitra... nalain'i Jezebelä ny zavatra rehetra, nofafany izany rehetra izany, ary mbola hataony indray izany! Izany no HOY NY BAIBOLY MASIN'ANDRIAMANITRA HOE, “Mbola hataony indray izany.” Eo ambonin'ny seza fiandrianana mihitsy izy ankehitriny, ao ambadik'ilay endrika ivelany; manodinkodina azy amin'ny fomba rehetra izay tiany, tsy hisy olona haahasakana

azy. Izany tokoa, tsy hisy olonaahasakana azy ankehitriny, satria izay tsy azon'izy ireo nalaina tao amin'ilay faritra arapivavahana dia alain'izy ireo izany—alainy ao amin'ny politika izany rehetra izany, ary nataon'izy ireo izany tany. Ah-hah, izany marina tokoa no nataon'izy ireo. Satria, ny politika dia fanaovana an-keriny iray marina tokoa mankany amin'ny mariky ny bibidia, azo antoka tahaka ny itsanganako eto, hitanareeo, araka ny nolazainy Baiboly.

¹⁰³ Fantattro fa tara isika, handeha haingana aho. Tsy maintsy mametraka an'ity teny farany ity aho, raha hamela ahy ny Tompo.

¹⁰⁴ Diniho! Nijanona tany ambony tany i Elia mandrapamindran'Andriamanitra azy. Tsy nanana fifohazana izy. Tsy nitory nanohitra na inona na inona izy. Nitsangana tany niaraka tamin'Andriamanitra irery fotsiny izy, tany an-efitra, satria lehilahin'ny an-efitra iray izy. Notezaina tany an-efitra izy. Toy izany koa i Jaona notezaina tany an-efitra.

¹⁰⁵ Nankany an-efitra irery niaraka tamin'Andriamanitra izy, niala lavitra ny fiangonana rehefa avy nanome ny Hafany. Ary nandà an'Izany ny fiangonana, nandà an'Izany. Ary farany dia tsy te-hanao na inona na inona ireo rafi-pandaminana, noho izany dia tsy maintsy niala izy. Niantso azy hiala teo amin'ny sehatra Andriamanitra, nitondra azy nankany an-efitra, nanao hoe, "Avia eto, tsy hihaino intsony izy ireo. Avia, avy eo dia handefa ny Fitsaroko eo amin'izy ireo Aho." Oh, eny, ho eto izy indray andro any, miambena.

¹⁰⁶ Noho izany, taorian'ny andron'ny faminianiany, dia inona no nitranga? Niha-reraka ny fiangonana, ilay fampihorohoroan'i Jezebel, nalainy ho an'ny tenany izy rehetra, nateliny izy rehetra. Naka azy ireo ho an'ny tenany, ka nanorina sampy sy ny zavatra hafa rehetra.

¹⁰⁷ Fa, indray andro, dia niantso azy hivoaka indray Andriamanitra! Indro izy nivoaka. Henoy tsara ankehitriny, ary aza tezitra amiko. Milaza aho hoe, "HOY NY TOMPO HOE!" Rehefa nivoaka izy, dia inona no nataon'Andriamanitra? Naniraka azy nankany amin'ny vehivavy iray mpitondratena Izy. Izy dia nanana indray mandeha ny—ny fahefan'ny lehilahy iray teo amboniny, saingy nilaina ny fahafatesana hanafaka azy mba ahafahany hino ny Tenin'ny mpaminany. Voamarikareo ve izany? Nanana vady iray izay nitari-dàlana azy izy hanketo amin'ity lâlana ity sy itsy lâlana itsy, tao amin'ny iray tamin'ireo sekoly tany. Fa nandrity hain-tany lehibe ity, dia voatelina izy, naka azy ny fahafatesana. Tsy niraikitra tamin'ny rafi-pandaminana iray intsony izy, noho izany dia vonona izy ankehitriny handre ny Tenin'ny Tompo. Vehivavy iray, midika hoe ny Fiangonana; mpitondratena iray, izay ny vadiny (rafi-pandaminana) dia maty, ary zara izy raha nieritreritra fotsiny

fa ho velona samirery. Dia hoy Andriamanitra hoe, “Mandehana mankany aminy ankehitriny, hihaino anao izy, efa nandidy azy Aho.”

¹⁰⁸ Oh, mieritreritra isika indraindray, ianareo vondrona kely any io izay tena mahatoky ka manao ny zavatra rehetra izay vitanareo mba hanao favoriana iray, miezaka haneho amin'ny olona fa mahitsy ny fonareo ka te-hanao azy ireo hahitsy ianareo, mihevitra ianareo fa manana fotoan-tsarotra iray. Saingy, tsarovy, manana ny Masony eo aminareo Andriamanitra! Tianareo Izy, fantatro fa tianareo Izy, tsy ho nipetraka teto ianareo, tsy ho nanatrika zavatra iray tahaka an'izao mihitsy ianareo. Manana ny Masony eo aminareo Andriamanitra. Eny!

¹⁰⁹ Ary rehefa nanao izy, efa maty ny vadiny, maty ny rafi-pandaminany, noho izany dia vonona ny hihaino ny Tenin'ny mpaminany izy ankehitriny. Noho izany rehefa tonga teo amin'ny vavahady ilay mpaminany ka nangataka taminy raraano kely, dia lasa izy naka an'izany. Avy eo dia hoy izy hoe, “Itondray sombi-koba iray aho.”

¹¹⁰ Dia nitodika izy ka nanao hoe, “Raha velona koa ny Tompo, dia tsy manana afa-tsy izay ampy aho.”

¹¹¹ Ankehitriny, toy ny hoe nirahina haka an'izay kely nananany izy, saingy nifamadika ilay izy. Rehefa nanaiky ny hanome an'izay nananany izy hanohanana ny Teny, dia namahana azy Andriamanitra. Ary raha manaiky ny hanome an'izay anananareo ho an'ny Fanahy ianareo, ny Fanahy izay nomen'Andriamanitra anareo hanohanana ny Teny, amin'izay fotoana izay dia hitahiry anareo ho velona Andriamanitra. Haleloia! Oh, voninahitra ho an'Andriamanitra! Hitanareo ve izany, ry fiangonana? Aza mihevitra fa any ankoatry ny tenako aho, tsy izany aho. Fa izay anananareo, izay kely inoanareeo an'Andriamanitra, izay finoana anananareo, dia apetraho eo amin'ny Teny izany, fa tsy eo amin'ny rafi-pandaminana! Apetraho ao amin'ny Tenin'Andriamanitra izany, hitahiry anareo ho velona Izy.

¹¹² Vonona izy tamin'izany, satria tsy afaka izy tany aloha, satria tsy navelan'izy ireo izy. Fa ankehitriny dia vonona izy. Handray an'izany ve izy? Nandefa mpaminany iray teo amin'ny lâlany Andriamanitra. Handray ny Teniny ve izy? Handray an'io mpaminany io ve izy? Eny, nandray izy. Ary niteny taminy izy, nanao hoe, “Ankehitriny, izay fiainana kely anananareo, apetraho ato izany, ento eto amiko aloha izany.” Ary inona no nitranga? Rehefa niha-reraka ny sisa tamin'izao tontolo izao ka maty tao amin'ny hanoanana, izy sy ireo zanany ary ny ankohonany rehetra dia nihinana sakafotsara telo isan'andro, fanambarana Masina eo amin'ny Teny. Manantena aho fa hitanareo izany, ry sakaiza.

¹¹³ Inona no niseho? Nijanona teo izy mandra-pahatapitrty ny mosary, niaina niaraka tamin'io vehivavy io (io Fianganana io) izay nandray azy sy nino ny Teniny. Ary nitahiry azy ho velona izy (nitahiry an'ilay Fianganana ho velona) tamin'ny alàlan'ny Tenin'ny Tompo, satria hoy izy hoe "HOY NY TOMPO HOE."

¹¹⁴ Ankehitriny, tsy manam-potoana handraisana ny sisa amin'ilay tantara isika, fantatrareo, ahoana fa tsy maintsy tonga teo amin'ny fampisehoan-kery iray niaraka tamin'i Bala izy. Hataony izany, indray andro any, aza manahy ianareeo. Rehefa tonga mijadojadona avy ao amin'io an-efitra io izy, dia diniho izay miseho.

¹¹⁵ Inona no nitranga? Rehefa Elia tsara, antitra, ilay mpaminany, mpanompon'Andriamanitra marina iray, no tonga teo amin'ny faran'ny lèlany, dia niteny taminy Andriamanitra, indray andro, nanao hoe, "Elia, efa nitory teny ela mihitsy ianao ankehitriny. Niady tamin'i Jezebela sy ireo lokon-tarehiny rehetra ary ny zavatra rehetra ianao hany ka leo an'izany ianao." Hoy Izy, "Midina mankany Jordana!" Dia indro izy mandeha, tonga teo Jordana. Teo ilay ony mamotaka tranainy tonga tany, mangatsiaka, ranon-dagilasy, tahaka ny tsy maintsy hatrehan'ny olona rehetra: Jordana, fahafatesana.

¹¹⁶ Fa rehefa nidina teo Jordana ity mpanompon'Andriamanitra malaza ity, ary nandeha teo akaikiny ny zanany, zanany amin'ny Filazantsara,...Oh, eny, zanany izy, "Ry ikakiko, ry ikakiko, ireo kalesin'ny Isirael, ireo mpitaingin-tsoaval." Rehefa nandeha nifampitantana izy sy ny zanany, nidina nankeo Jordana, dia nandinika ny dadany nandeha izy tamin'io maraina io.

¹¹⁷ Rehefa tonga teo Jordana izy, dia natsotrany manodidina ny tènany ka nesoriny avy teo an-tsrony io akanjon'ny hery io, nanao hoe, "Ry fahafatesana, tsy afaka manao na inona na inona amiko ianao." Dia nokapohiny ilay Jordana hoe, "Mialà, hiampita aho izao maraina izao." Inona no nitranga? Nihataka izy ary maina tahaka ny vovoka. Inona no nataon'ilay mpaminany antitra? Nijery tany am-pitan'i Jordana izy, fantany fa nisy kalesy iray niandry azy teo niaraka tamin'ireo soaval. Nandeha nody izy, tapitra ny asany. Ny zanany amin'ny Filazantsara no naka ny toerany.

¹¹⁸ Tonga tany an-trano aho indray andro avy tany Andrefana. Tonga tao an-tsaiko ity. Nalefako ny radio (tsy maintsy namily fiara telo andro aho, efajato sy roa arivo maily, samirery). Nalefako ny radio ary izaho...nihaino an'ireo hiram-pivavahana avy tany Del Rio, Texas. Nisy lehilahy iray niresaka mikasika ny lehilahy antitra anankiray, mainty hoditra, negro. Teo am-pahafatesana izy ary tsy maintsy nidina teo amin'ilay renirano, hoy izy hoe, "Ireo kapa volamena izay hanaovako, handehanana eo amin'ireo lèlambé volamena."

Nitory teny nandrity ny fiainany rehetra io negro antitra io ka ny zavatra tokana azony noeritreretina ho fiononana, izay nananany, dia ny banjò tranaininy izay nihantona teo amin'ny rindrina. Nipetraka teo ambonin'ireo gonin-dandihazo izy ary nitendry hira fiderana, nampitsahatra ny tenany tamin'ny asam-panompoany, niaraka tamin'ilay banjò tranainy. Tahaka an'izany no nataony, mba hiala sasatra. Nilaza izy fa ilay soavalby bory rambo izay notaingenany fahiny dia ho any miaraka amin'ilay kalesy. Nieritreritra azy ireo aho. Hoy izy hoe, "Ireo kapa volamena izay hanaovako, mba handehanana eo amin'ireo lâlambe volamena."

¹¹⁹ Ary rehefa nijanona tsy nihira izy, dia novonoiko ilay radio. Ary nandeha tany, nihazona ny familiana. "Oh, marina izany. Tsy maintsy tonga eo koa aho. Inona no mba hanome fiononana ho ahy? Aiza no ahitako ny fiononako any an-efitra?" Nanana basy kely, tranainy iray aho izay antsoina hoe... Mihaza miaraka amin'izany aho amin'ny lohataona amin'ny taona. Izany dia .270 iray, modely 721, Remington. Lehilahy iray, rahalahy, no nanome ahy azy, tany California, taona maro lasa izay. Nihaza niaraka taminy nandrity ny taona sy taona aho. Ahoana... fiononana iray toy ny inona izany, satria izaho—fantatro fa basy fitifirana tsara iray izy, ary izany no fiononako any an-efitra.

¹²⁰ Avy eo dia nieritreritra ny amin'ny fahitako aho. Rehefa tonga tany aho ka nahita ny oloko rehetra, dia nandre zavatra iray nihika aho, ary indro tonga i Prince keliko (ilay soavalindasely keliko) ka nametraka ny lohany teo amin'ny soroko. Nieritreritra aho hoe, "Eny, indray maraina dia hidina koa aho, hankeo Jordana." Ary ilay .270 tranainy izay nahazatra ahy ny... mihantona eo amin'ny rindrina. Efa tsy nampidina azy intsony aho hatramin'ny lohataona farany. "Io soavalindasely izay notaingenako fahiny io, Andriamanitra no hamatotra azy eo amin'ny kalesiko, amin'io maraina io rehefa midina eo amin'ilay renirano aho." Hijoro eny ampitan'ilay renirano any fotsiny izy. Handefa azy Andriamanitra, nahita azy aho indray hariva. Hifatotra eo amin'ny kalesiko izy, indray maraina. Ho lasa aho, hihanika hitety an'ireo rahona.

Ndaô isika hivavaka.

¹²¹ Oh, ho an'io herin'Andriamanitra izay hankasitrahako io raha mandeha eo amin'ireo lâlambe volamena aho! Hia, ilay basy tranainy izay mihantona eo amin'ny rindrina ankehitriny, tsy hisy ilâna azy intsony amin'izany. Manontany aho, raha tonga ny kalesiko, raha hifatotra eo amin'ny kalesiko ilay soavalindasely izay hitako tao anatin'ny fahitana iray, amin'io maraina io, mitsangana eo amin'ilay renirano. Manantena aho fa izany izy. Te-hakarina aho. Tiako hiakatra tahaka an'izany koa ilay Fianganana, tiako ny tsirairay avy aminareo.

¹²² Ho tianareo ve ny hahafantatra rehefa hidina eo Jordana ianareo? Hahafoy an'ireo rafitra ratsy an'ity izao tontolo izao ity ve ianareo ka handray an'i Jesosy Kristy ho Mpamonjinareo? Raha tsy Kristiana iray ianareo, dia hanangana ny tànanareo ve ianareo ka hanao hoe, "Mivavaha ho ahy, Rahalahy Branham. Rehefa tonga eo Jordana aho, . . ."? Andriamanitra hitahy anao. Andriamanitra hitahy anao. "Rehefa tonga eo Jordana aho, dia tiako ny handray an'ilay herin'ny Fanahy Masina eo amiko ka hikapoka an'ireo rano mangatsiaka, ary handeha hiampita."

¹²³ Ahoana no ahafahanareo mipetraka eo ambanin'ny fitenenana tahaka an'izany, hosotry ny Fanahy Masina, ary mahafantatra fa miteny amiko ny toeranareo ny Fanahy Masina, nefo diso amin'ny fananganana ny tànanareo? Izany no maneho fa izao no fotoan'ny fandehanana any an-efitra! Hisy anankiray ve alohan'ny hivavahantsika, anankiray hafa? Misy anankiroa nanangana ny tànany; telo, Andriamanitra hitahy anao, anaka.

¹²⁴ Ry Rainay any An-danitra! Telo; hahafinaritra izany, Tompo, raha izy ireo—any izy ireo amin'izany andro izany. Mivavaka aho mba ho eo izy ireo, Tompo. Nanangana ny tànany izy ireo satria resy lahatra fa eo am-pahafatesana ireto rafitr'izao tontolo izao ireto, ka tsy ho ela dia ho zavatra sarotra iray ny hahita an'ireo feon'ny Tenin'Andriamanitra, hanaisotra an'izany hiala amin'ny fiangonana Andriamanitra. Ilay antsoantsosy, ilay antson'ny Mpampakatra dia hiala tsy ho ela ka hanempotra azy tanteraka ilay rafitr'i Jezebel. Fa izy ireo dia te-hanana . . . hivelona eo akaikin'ilay loharano mafina tahaka an'i Elia mba ho voatahiry mandritr'ilay fotoan'ny mosary. Andriamanitra, omeo azy ireo ny Fanahy Masina ankehitriny, fenoy fifaliana sy fiadanana ny fon'izy ireo, ary apetraho eo amin'ny Tenin'Andriamanitra ny fisainan'izy ireo mba ahafahan'izy ireo ho velona ankehitriny sy any ankoatra, mandrakizay. Tahio izy ireo, Ray. Anao izy ireo, amin'ny alàlan'i Jesosy Kristy Tomponay.

Miaraka amin'ny lohantsika miondrika:

¹²⁵ Ireo izay nanangana ny tànany ka te-hanaiky an'i Kristy, dia hitsangana fotsiny ve ianareo, vetivety fotsiny, raha mivavaka manokana ho anareo aho? Mitsangàna fotsiny.

¹²⁶ O Andriamanitra, tsy nahomby ve aho? Na dia ireo telo izay nanangana ny tànany aza, tsy nisy faharesen-dahatra hitsangana mba hanaiky an'ilay tena zavatra izay nekeny. Tompo Jesosy, mametraka an'izany rehetra izany eo an-Tànanaao aho. Efa nitory Ny Teninao aho, ary tsy nanao marimaritra iraisana mihitsy. Ankehitriny aho—apetrako amin'izy ireo ny trano, Ray. Ataovy izay mety amin'ny fiangonana sy ny Mpanomponao, eo an-Tànanaao izany rehetra izany.

¹²⁷ Ray, mivavaka aho mba Hamonjenao ny very, fenoy zavatra tsara ny fo noana, omeo Fiainana Mandrakizay ireo izay mangetaheta, atsangano ireo Mpanomponao mba hanambara

ny Hafatra, omeo fahasitrana ny marary sy ny ory, raiso ny voninahitra ho Anao irery, fa mametraka ny tenako miaraka amin'Ny Teninao aho. Ary eo an-tànako, sy ao am-poko, ary ao an-tsaiko, soraty Ireo Lalànao, amin'ny alàlan'i Jesosy Kristy Tomponay. Amena.

Rehefa tonga eo amin'ilay renirano aho amin'ilay fiafaran'ny andro,

Tsy te-hihira an'izany aho.

Ka toa lasa ireo sakazako rehetra;
Hisy Olona iray hiandry izay haneho amiko ny lèlana,
Tsy voatery hiampita irery an'i Jordana aho.

¹²⁸ Nizara karatra fangataham-bavaka ve ianao, Bill? Mahatsapa ho mavesatra aho. Inona no nozarainao androany? B? Nizara ny A koa ianao, sa tsy izany? Eny àry, antsoy aloha ny B, iray hatramin'ny... Karatra fangataham-bavaka B, nomerao iray. Hivavaka ho an'ny aretinareo izahay. B, nomerao iray, iza no manana azy? Karatra fangataham-bavaka B, nomerao iray, olona iray ery amin'ny farany aorianana ery. Avia eto, ramatoa. B, nomerao roa, atsangano ny tènananao. Io ramatoa io ve? Nomerao telo. B, nomerao telo, hanangana ny tènananao ve ianao azafady, mba ahafahako mahita hoe aiza. Telo? Nomerao efatra, B, nomerao efatra. B, nomerao dimy. Hanangana ny tènananao ve ianao azafady? B, nomerao dimy. Io lehilahy io? Eny àry, enina, fito, valo, sivy, folo, iraika ambin'ny folo, roa ambin'ny folo, telo ambin'ny folo, efatra ambin'ny folo, dimy ambin'ny folo. Eny, eto, aoka ny B rehetra hitsangana, na ahoana na ahoana. Izao fotsiny...

Io... [Elanelana tsy voaraki-peo—Mpand.]... nandeha nankany amin'izao tontolo rehetra izao, ny misionera tsirairay eny amin'ny saha, na aiza na aiza ahafahan'izy ireo.

¹²⁹ Ny karatra fangataham-bavaka B rehetra mitsangàna ka raiso ny toeranareo araka ny nomeraonareo.

Ankehitriny, inona ireo manaraka? A? Iza no manana karatra fangataham-bavaka A, iray? A, iray, aiza no misy azy? Azo antoka fa ato izany. A, iray? Efa roa andro izay no nizarana azy ireo, na telo ankehitriny, noho izany dia mety tsy eto izy ireo. Ny rehetra miaraka amin'ny karatra fangataham-bavaka A, milahara eto ianareo ankehitriny. Mandehana avy hatrany manaraka ny rindrina, am-panajana.

¹³⁰ Te-hiresaka aminareo tsy manana karatra fangataham-bavaka aho, iray minitra fotsiny alohan'ny anombohan'ilay laharana.

¹³¹ Ankehitriny, miaraka amin'ny karatra fangataham-bavakareo, hazony eny an-tènananareo izany mba ahafahan'ireo zazalahy mandray ny karatra fangataham-bavakareo. Efa

niandry ianareo, tonga aloha ianareo tamin'ny tolakandro mba haka ny karatra fangataham-bavakareo, ary manana zò hiditra ao anatin'ilay laharana. Nampanantena anareo aho, mba hivavaka ho anareo. Ankehitriny dia hiezaka aho ny hihazona ny fampanantenako, hanampy ahy anie Andriamanitra.

¹³² Zanakao lahy kely ve io? Tena lehilahy iray mahafatifaty. Mamelà ahy azafady. Ity vehivavy eto ity dia karazana tena Amerikana tsara iray. Ny zanany lahy kely, ireo salopety kely sy lobaka misoratsoratra. Vehivavy tanora miaraka amin'ny volo lava, miakanjo tsara. Andriamanitra anie hitahy azy sy ny tokantranony, ary ny vadiny, ireo malalany. Izany no U.S.A. tena izy marina tokoa, miaraka amin'ny "Kristianisma" voasoratra eo an-tampon'izany. Ho tahaka an'izany ela anie ny firenentsika! Mamelà ahy, ramatoa kely, nohon'ny filazana an'izany, fa izaho fotsiny . . . mba ahafahan'ny olona hahita an'izay heveriko fa mitovy amin'ny Kristiana iray; tsy misy fandokoan-tarehy, inona ilay karazan-javatra, ramatoa fotsiny.

¹³³ Andriamanitra hitahy anao, Rahalahy Sullivan.

¹³⁴ *Ilay Mpitsabo Lehibe*, raha sitrakao.

Ilay Mpitsabo Lehibe dia akaiky ankehitriny,
Ilay Jesosy mangoraka.

¹³⁵ Mino Azy ve ianareo? Mino ve ianareo fa Izy no ilay Mpitsabo Lehibe? Ankehitriny dia aoka fotsiny hanaja vetivety fotsiny. Mbola manana fotoana kely isika, nafoheziko kely fotsiny ilay hafatra. Manantena aho fa azonareo ilay izy, na izany aza, izay tiana nolazaina. Minoa fotsiny amin'ny fonareo rehetra. Rehefa milahatra izy rehetra, aoka hisy olona iray handahatra an'ireo olona. Eka? Ahoana hoe? Ankehitriny mitsangana ny rehetra izay manana karatra fangataham-bavaka.

¹³⁶ Ianareo eo ve mino, ihany koa, izay tsy manana karatra fangataham-bavaka? Raha banana finoana ianareo, dia hiantso *anareo* Andriamanitra. Ankehitriny, ao amin'ny laharana ireo karatra fangataham-bavaka rehetra.

¹³⁷ Io zazavavy kely mipetraka ery aoriane ery io, miaraka amin'ny ranjo ratsy, eto eo ambonin'io . . . Mino ve ianao fa hanao an'izany ho salama Andriamanitra? Raha mino ianao, manàna finoana fotsiny dia hanaiky an'izany ho anao Andriamanitra.

¹³⁸ Mihevitra ve ianao fa ny rainao marary dia ho mety tsara? Raha mino ianao, dia afaka mahazo an'izany.

¹³⁹ Ahoana ny aminao etsy, mivavaka ho an'ny zandralahinao miaraka amin'ny toetra mikorontan-tsaina? Mihevitra ve ianao fa hanao azy ho salama Andriamanitra? Ramatoa, mipetraka etsy io, raha mino an'izany ianao, dia afaka mahazo an'izany.

¹⁴⁰ Hino ve ianareo rehetra?

¹⁴¹ Ankehitriny dia tiako... Firy amin'ireo rahalahiko no eto, mpitory Filazantsara, mpitory ny Filazantsara-Feno na inona izy ireo na inona, izay mino ny fanasitranana avy amin'Andriamanitra? Atsangano ny tanganareeo. Tiako ianareeo ho tonga eto ka hanampy ahy hivavaka ho an'ireto olona ireto, mba hahitan'ny olona fa tsy izaho fotsiny no mivavaka ho an'ny olona, ianareeo dia afaka ihany koa. Avia eto ary mitsangàna eo amin'ny lampihazo miaraka amiko. Sitrakareo ve, rahalahy, ianareeo mpitoriteny? Avia eto avy hatrany ka mitsangàna eto ambonin'ny lampihazo avy hatrany. Tsara izany. Misaotra anareo, rahalahy. Misaotra anareo. Mandrosoa avy hatrany, rahalahy, avia.

¹⁴² Ahoana hoe? [Hoy ny olona iray hoe, "Afaka manao laharan-droa eto ve izahay?"—Mpand.] Eny, afaka ianareo. Manaova laharan-droa eto mihitsy, ho tsara izany. Tsara izany. Ankehitriny dia mihodina amin'ity lâlana hafa ity, rahalahy. Mihodîna amin'ity lâlana ity, hitondra ny olona ho eo mihitsy aho. Ankehitriny ny sasany aminareo dia mankanesa eto amin'ity ilako ity, ato mihitsy, raha sitrakareo, mitsangàna manodidina an'ity ilany ity. Izay ilay izy.

¹⁴³ Ankehitriny, ho an'ny mpanatrika, hitanareo ve ireto lehilahy mahafinaritra ireto? Izy ireo dia lehilahy izay hitsangana eto mihitsy, ary hanohana an'ity Filazantsara iray ihany izay toriako ity. Hitanareo? Tonga eto izy ireo satria mino an'izany. Ankehitriny dia tokony hirehareha ny amin'ny pasiteranareo ianareo izay haneho ny tenany eto amin'ity lampihazo eto ity, mitory mafy, matanjaka. Lehilahy izay manana fanambarana iray izy ireto, izay mahafantatra fa... tsy manohitra an'ireo lehilahy aho, matetika isika dia lasa mifikitra ao anatin'ireo rafitra izay manao antsika... Ireny rafitra ireny no toherinay; tsy ilay lehilahy, mpanompon'Andriamanitra.

¹⁴⁴ Ankehitriny, raha nanana famantarana ho an'ny tsirairay avy eto isika, dia mandra-pahoviana no heverinareo haha-eto ahy? Hianjera aho rehefa handray eo amin'ny... aorian'ny eo amin'ny enina, dimy na enina, folo; amboniny kely, angamba ny antsasany, ampahefatr'ilay laharana, ho vita ny amiko, tsy ho voavavaka ny sisa amin'izy ireo. Tsy afaka hanao an'izany isika. Ary satria ilay izy... fa tsy voatery hanana an'izany ianareo. Fantatrareo hoe inona ny olanareo. Fantatrareo izay nataonareo, ankehitriny dia miaike an'ireo fahotanareo. Raha misy aminareo eo manana pentim-pisalasalana anankiray ao am-ponareo, dia esory izany izao ankehitriny izao ka mitenena amin'Andriamanitra mba hamela anareo. Raha tsy mahitsy amin'Andriamanitra ianareo, dia mitenena amin'Andriamanitra mba hamela anareo. Raha tsy manao ianareo, ary tsy mahitsy amin'Andriamanitra, dia tsy hanao soa anareo na kely aza ny ho tonga hatreto. Mandany ny fotoanareo fotsiny ianareo. Marina izany. Ankehitriny, marina ve izany, ry rahalahy? [Hoy ireo rahalahy hoe, "Amena."—Mpand.] Marina izany.

¹⁴⁵ Jereo eto. Indro mitsangana eto Rahalahy Kidd. Toy ny nanala an'ireo kodiarana tamin'ny fiarako aho mba hankanesako tany aminy, teo amin'ny taona iray na roa lasa teo izay, mba... Teo am-pahafatesana niaraka tamin'ny homamiadana izy, ho faty tamin'io andro io. Niteny tamiko ny vadiny, nanao hoe, "Haingàna!" Hoy izy, "Eo am-pahafatesana izy ankehitriny." Rehefa tonga tany aho, dia nanasitrana azy ny Tompo. Ary indro izy mbola mitsangana foana. Heveriko fa nahazo lanja *betsaka* sy ny sisa izy. Mpiady tranaindy iray, io aoriana io, fantatrareo. Izany ilay karazana lehilahy izay noresahako, taona maro lasa izay, izay nitory teny; ary nihazona tsara teo amin'ity Teny ity, nefo naneso azy ny olona. Ary nandeha teo amin'ireo lalamby sy ny zavatra hafa rehetra izy sy ny vadiny, sy tany amin'ireo tendrombohitra lavitra, sy ireo toeram-pitrandrahana arina, ary voaroaka, ka nalefa tany amponja, sy ny zavatra hafa rehetra. Izany ilay lehilahy izay niady mba hahazo ny loka, izany ilay karazana.

¹⁴⁶ Ankehitriny, ry rahalahy, milaza aminareo aho, mety tsy manana an'ilay fanahin'ny famantarana angamba ianareo. Tsy voatery hisy izany, hitanareo, izany—tsy ilaina izany. Ny zavatra voalohany, dia lehilahin'ny Teny ianareo. Mpitory teny tsara lavitra, mihoatra noho izaho ianareo, satria aho—tsy dia mpitory teny loatra aho. Fa izaho... fa ianareo dia—voahosotra ianareo, ny lehilahy rehetra izay nantsoina mba hitory ny Filazantsara dia nantsoina mba hanasitrana ny marary; ireo baiko lehibe dia: "Mandehana mankany amin'izao vontolo rehetra izao ka mitoria ny Filazantsara amin'ny olombelona rehetra. Izay mino sy hatao batisa no hovonjena. Izao famantarana izao no hanaraka an'ireo izay mino. Raha mametraka ny tànany eo amin'ny marary izy ireo," sy ny sisa, "dia ho sitrana izy ireny." Raha nantsoina ho mpitoriteny iray ianareo, dia nantsoina hivavaka ho an'ny marary.

¹⁴⁷ Ary ny antony anaovako an'izao dia mba ity mpanatrika ity... mba ahafahan'izy ireo hahita fa tsy voatery hiandry olona iray manokana izy ireo, Oral Roberts, Tommy Hicks, Tommy Osborn, ny tenako, olona iray izay mandalo ho an'ny asam-panasitranana. Tiako ho hitan'izy ireo fa lehilahin'Andriamanitra ianareo. Hitanareo? Ianareo dia lehilahy iray... Manana zò hametra-tànana eo amin'izy ireo tahaka—tahaka ahy na olon-kafa iray. Sady izao koa, rahalahy, fantatrareo rehetra, amin'ny maha—amin'ny maha-mpitoriteny, dia ny finoan'izy ireo manokana ao amin'Andriamanitra no manao an'ilay asa. Marina ve izany? Manolotra vavaka iray ho azy ireo fotsiny isika.

¹⁴⁸ Ankehitriny dia hoy ianareo hoe, "Rahalahy Branham, miaraka aminao ve ny Fanahin'ny Fanahy Masina any?" Izany tokoa. Eny, tompoko!

¹⁴⁹ Ankehitriny ho anareo ao amin'ny mpana-...ao amin'ny laharana eo, raha mino amin'ny fonareo rehetra ianareo fa hanasitrana anareo Andriamanitra, dia atsangano ny tānanareo, manaovala hoe, "Hanaiky an'izany aho."

¹⁵⁰ Ankehitriny, avia eto, aoka io—aoka io ramatoa io ho avy eto. Tsy mahafantatra anao aho, tsy mbola nahita anao mihitsy. Raha hiteny amiko ny Fanahy Masina, mba ahafahan'ireo rahalahiko eto, ao amin'ny fanatrehana eto tahaka an'izao, ka mitsangana manodidina ahy eto izy rehetra. Ary tsy izany ihany, eto ireo rahalahiko, ary eto ny Tompoko. Izany dia ny Tompon'izy ireo, ihany koa. Ankehitriny, raha hiteny amiko zavatra tsy mety aminao Izy, na inona na inona tsy mety aminao, dia ianao no hahafantatra raha ny fahamarinana izany na tsia. Tiako izy ireo, tiako ny mpanatrika, tiako ny olona eo hahita fa eto amin'ny lampihazo ny Fanahy Masina mba hanome famantarana, saingy tsy manasitrana na iza na iza izany. Fa raha hiteny amiko zavatra mikasika anao Izy, ka fantatralo fa tsy mahafantatra na inona na inona mikasika an'izany aho, tahaka ny tamin'ilay vehivavy teo amin'ny fantsakana... Tsy ilay karazana iray ihany, fa ny tiako lazaina dia lehilahy iray sy vehivavy iray mihaona voalohany. Jesosy, karazana lehilahy antenatenan-taona, ary io vehivavy io angamba dia vehivavy tanora iray, tahaka anao angamba.

¹⁵¹ Ary raha Sitrany, afaka hiteny amiko an'izay maha-eto anao, ny olanao, dia hino ve ianao fa tsy maintsy ho Ny Fanahiny no hanao an'izany? Mino an'izany ve ianareo rahalahy? Hoe ilay Tompo Jesosy iray ihany no mitsangana eto? Mino an'ilay zavatra iray ihany ve ny mpanatrika? Hino an'ilay zavatra iray ihany ve ianareo ao amin'ny laharam-bavaka, ary mahafantatra fa ireto lehilahy ireto...? Ho niantso azy ireo ve aho raha nihevitra aho fa izy ireo dia tsy...? Rehefa avy nitory teny tahaka an'izao, ka milaza an'ireo zavatra izay nolazaiko, ary avy eo dia miantso an'ireo lehilahy hiakatra eto izay tsy mendrika? Tsy hanao an'izany aho. Handrava an'ilay tena zavatra izay niadiako aho. Hitanareo? Mino azy ireo aho. Mino aho fa lehilahin'Andriamanitra izy ireo.

¹⁵² Ankehitriny jereo raha mitsangana akaiky ny Fanahy Masina. Mba hiresahana aminareo fotsiny, dia miezaka aho... Hoy ianareo hoe, "Inona no ataonao, Rahalahy Branham?" Ilay zavatra iray ihany izay nataon'i Jesosy tamin'ilay vehivavy, nanao hoe, "Itondray Aho hosotroina," niezaka niresaka taminy iray minitra fotsiny Izy, hahita hoe inona ny olany.

¹⁵³ Ny olanao dia fikorontanan-tsaina, izany no mampijaly anao. Raha marina izany, dia atsangano ny tānanao. Ankehitriny, tsy azony antoka fa tahaka an'izany ilay izy, sa tsy izany, rahalahy? Tsy azony, saingy izany no olany. Efa tahaka an'izany nandritry ny fotoana ela izy. Mahita volana alohan'ny biby foana, sy ny sisa. Marina izany. Izany no nanaovana anao, natao tahaka an'izany fotsiny, mikorontan-

tsaina; misaintsaina zavatra hitranga foana, nefà tsy mitranga. Matetika dia miteny aminao ny devoly hoe, "Tsy misy na inona na inona ny amin'Izany, miverin-dàlana fotsiny ianao, miampita an'ilay tsipika ianao." Tsy mamaky ny fisainanao aho, fa mamaky an'izay... Fantatro izay noresahany taminao, satria hitako izay mitety ny fisainanao.

¹⁵⁴ Ankehitriny, nahafantatra ny eritreritr'izy ireo Jesosy. Marina ve izany? Eny, izany no mitranga izao ankehitriny izao. Marina ve izany? Indro, mamele ahy hiteny zavatra aminao, izay mety ho fantatralo. Mitsangana eto marina tokoa ho an'ny olon-kafa iray ianao. Marina izany. Izany ilay zavatra, hitanao, tsy nety takatralo izany hatreto. Ankehitriny, raha hanambara amiko an'izay itsangananao eto ny Tompo, ho an'ny olon-kafa iray, dia hino ahy ho Mpaminaniny ve ianao? Ho an'ny reninao ilay izy. Mino ve ianao fa afaka miteny amiko Andriamanitra hoe inona ny olany? Eny, tratry ny aretim-po izy, tosi-drà ambony, vato ao amin'ny afero, fahasaratana. Marina izany, sa tsy izany? Hitanao? Ankehitriny, izany no Fanahy Masina, sa tsy izany?

¹⁵⁵ Ankehitriny, misy zavatra eto eo amiko sy eo amin'ireto rahalahy ireto. Hitanao? Misy Zavatra eto ankehitriny, ny Fanahy Masina. Ankehitriny, minoa; ianareo, raha mandalo eo amin'ilay laharana izahay.

Ndoa isika rehetra hanondrika ny lohantsika raha mivavaka ho an'ireto olona ireto isika.

¹⁵⁶ Ankehitriny, Ray any An-danitra, hametra-tànana eo amin'ireto olona ireto izahay. Ary mivavaka ho azy ireo aho ankehitriny. Indro ireo Mpanompon'ny mpanjakanao mitsangana eto, ary hametra-tànana eo amin'ny marary izahay rehetra, satria Ianao no nilaza hanaovana an'izany. Hanao an'izany izahay amin'ny Anaran'i Jesosy Kristy. Enga anie ny olona tsy hisisika fotsiny, fa enga anie hivoaka ho sitrana izy ireo amin'ny alàlan'ny Anaran'i Jesosy Kristy. Amena!

¹⁵⁷ Ny Tompo hitahy anareo. Manatòna akaiky ankehitriny.

Amin'ny Anaran'ny Tompo Jesosy, sitrano... Amin'ny Anaran'ny Tompo Jesosy, sitrano ny rahalahiko. Amin'ny Anaran'ny Tompo Jesosy, sitrano ny anabaviko.

¹⁵⁸ Ankehitriny, izao fotsiny—iray minitratra fotsiny! Hitanareo! [Mitehaka ny tânany in-efatra Rahalahy Branham—Mpand.] Rahalahy sy anabavy, nahoana no nifaly ianareo rehefa io vehivavy io, rehefa nitranga ilay famantarana, nefà rehefa mandalo ireo hafa dia tsy nisy na inona na inona vita? Mandalo ny olona hoe, "Eny raha izaho no tsy... tsy mahazo famantarana, eny, amin'izay fotoana izay dia tsy nahazo na inona na inona aho." Tsy misy idiran'izany amin'io, eto Izy na izany aza. Hitanareo?

¹⁵⁹ Rehefa mandalo eto ianareo, dia manatòna miaraka amin'ny tânany mitsangana, manao hoe, "Misaotra Anao, Tompo

Jesosy. Manaiky Anao ho Mpanasitrana ahy aho, ary mandeha miaraka amin'izany fotsiny aho. Raha hanao batisa ahy ny iray amin'ireo lehilahy ireo, dia handeha avy hatrany ao anatin'ny dobon-drano aho ka hatao batisa, ary hivoaka ka hahafantatra fa Ianao no nampanantena fa handray ny Fanahy Masina aho."

¹⁶⁰ Hitanareo, izany . . . Mbola eto foana ny famantarana. Mbola eto foana izany, mitovy fotsiny tahaka . . . Indro, iza ilay izy? Ity lehilahy eto ity? Vahiny aminao aho. Sa tsy izany, tompoko? Tsy mahafantatra anao aho. Afaka . . . raha hiteny amiko an'izay olanao Andriamanitra, dia hino ahy ho Mpaminaniny ve ianao, Mpanompony? Ianao amin'ny fonao rehetra? Eny àry, tompoko. Misaotra anao, tompoko. Tena fanahy tsara iray izany, tena zavatra tsara iray. Sady izao koa, mitsangana eto ianao ho an'ny olon-kafa iray. Marina izany. "Ny zafikelinao izany, tratry ny lefak'ozatra, nianjera indray andro ka tapaka ny ranjony," izany no HOY NY TOMPO HOE! Marina ve izany? Marina izany! Mandehana ka minoa ankehitriny, dia ho salama izy.

¹⁶¹ Ankehitriny, avia minoa, ny olona rehetra mihitsy, avia fotsiny. [Mivavaka ho an'ny marary ao amin'ny laharam-bavaka Rahalahy Branham sy ireo mpitoriteny—Mpand.] . . . ? . . .

Isaorana anie ilay tady izay mamatotra
Ny fontsika ao amin'ny fitiavana Kristiana;
Ny fiombonan'ny sain'ny mpiray tam-po
Dia tahaka an'ilay any ambony.

Eto anoloan'ny sezà fiandrianan'ny Raïntsika,
No androtsahantsika ny fivavahantsika
miredareda;
Ny tahotsika, ny fanantenantsika, ny fikasantsika
dia iray,
Ireo fiononantsika sy ny fiahantsika.

¹⁶² Mijoro isika, ry zanak'Andriamanitra kely, mandringa, jamba, folaka. Ry mpitoritenin'ny Filazantsara, fantatrareo fa tsy manana hery hanasitrana isika. Fa Jesosy Kristy Tompontsika Lehibe dia nandefa an'ireo famantarana ireo, ka manameloka ny devoly izay namatotra anareo. Manameloka ny devoly izahay . . . ? . . . Manameloka ny fahajambana izahay . . . ? . . .

¹⁶³ Amin'ny Anaran'i Jesosy Kristy ilay Zanak'Andriamanitra, mangataka izahay mba hanomezan'Andriamanitra azy ireo finoana mba hino fa ny vavaky ny finoana no namonjy an'ilay marary, ary Andriamanitra hanangana azy ireo, ka ho salama indray izy ireo. Ekeo izany, Andriamanitra Tsitoha, amin'ny alàlan'ny Anaran'i Jesosy Kristy.

¹⁶⁴ Ankehitriny, afaka miala eo ianareo rahalahy . . . ? . . .

¹⁶⁵ Ny sisa aminareo aoka ho ao amin'ny vavaka ankehitriny, raha izahay . . . ireo mpitoriteny dia mivavaka ho azy ireo, ihany koa, ankehitriny. Mivavaka izahay, mametra-tànana.

¹⁶⁶ Ray any An-danitra . . .

Ho anareo eo amin'ny mpanatrika eo izay tsy niditra tao amin'ny laharam-bavaka, apetraho eo amin'ny iray hafa ny tānanareo ankehitriny. Apetraho eo amin'ny iray hafa ny tānanareo.

¹⁶⁷ Ry Rainay any An-danitra, mitondra eo Amina o an'ity mpanatrika ity izahay raha mamarana an'ity fivoriana ity sy ity asam-pitoriana ity eo ambanin'ny fanevan'i Jesosy Kristy, ilay Mpisoronaben'Andriamanitra lehibe voahosotra, Imanoela, mitsangana, nitsangana tamin'ny maty, velona hatrany mba hanao fanelanelanana; Miaraka aminay Ny Fanatrehany lehibe ankehitriny, Ny Heriny masina eo aminay mba hanao anay hahita fahitana, haminany, hametra-tānana eo amin'ny marary. Ny Tenin'Andriamanitra tsy mety diso dia tsy afaka hiverina foana any Aminy. Manameloka ny devolin'ny aretina tsirairay aho, ny herin'ny fahotana tsirairay, ny tsi-finoana rehetra, amin'ny Anaran'i Jesosy Kristy, enga anie izany hiala amin'ny olona ka enga anie izy ireo ho salama.

¹⁶⁸ Tahio ireto rahalahy mpitoriteny ireto, Tompo, raha miangona miaraka amin'ny fo iray sy saina iray izy ireo, ary ny laïka rehetra an'ny fiangonana. O Andriamanitra Tsitoha, ho an'ity Middletown lehibe ity, Ohio, mandefasa fifohazana iray aorian'ity, Tompo, izay hamafa ny lafiny rehetra, fanakambanan-taolana iray, Tompo, ary hozatra amin'ny hoditra. Ka enga anie ny herin'Andriamanitra hanangana fiangonana miray mahery ato amin'ity tanàna ity izay hamafa, fiangonana ohatra iray, manerana ny firenena rehetra, mba ahafahan'ny olona ho tonga ato amin'ity tanàna ity hahita ny herin'Andriamanitra. Ekeo izany, Tompo. Sitrano ny marary sy ny ory, vonjeo ny very, ary raiso ho an'ny Tenanao ny voninahitra.

¹⁶⁹ Ekeo izany, mba ireto mosara rehetra sy fonosana kely izay mipetraka eto ireto... Mivavaka aho, Tompo, mba ny Fanahy Masina eo aminay, sy manosotra anay ato amin'ity tranobe ity, enga anie ho salama ny tsirairay avy amin'izy ireo. Voasoratra ao amin'ny Baiboly fa rehefa tao amin'ny lâlan'andraikitra ny Isiraely, teo amin'ny lâlany nankany amin'ilay tany nampanantenaina, dia tonga teo amin'ny lâlana ilay Ranomasina Mena. Ary hoy ny iray tamin'ireo mpanoratra hoe, "Nijery niondrika tamin'ny alâlan'ilay Andry Afo Andriamanitra ka natahotra ilay Ranomasina Mena ary nihataka, dia nandeha nankany amin'ilay tany nampanantenaina izay nampanantenaina ny Isiraely."

¹⁷⁰ Ary ankehitriny, izao no ao amin'ny Baiboly, izao no voasoratra hoe, "Ambonin'ny zavatra rehetra dia Tiako ho hambinina amin'ny fahasalamana ianao." Ary rehefa tonga any amin'ny olona ireto mosara ireto, izay nametrahan'i Satana

Ranomasina Mena iray teo anoloan'izy ireo, dia enga anie Andriamanitra hijery miondrika eo amin'ny Ràn'Ny Zanany manokana, Jesosy Kristy, ka hanameloka ny aretina tsirairay ho an'ireo izay tsy afaka tonga teto; ary enga anie hiala ny aretina ka hatahotra ny Tenin'Andriamanitra sy ny teny fikasan'Andriamanitra ary ny hosotr'Andriamanitra, ary enga anie ny olona hiampita mankany amin'io teny fikasana tsaran'ny fahasalamana sy tanjaka tsara io. Ekeo izany, Tompo. Ary mametrakà ny rehetra amin'izany Aminao izahay, amin'ny Anaran'Ny Zanakao tia, Jesosy Kristy Mpamorjinay. Amena.

¹⁷¹ Ry mpanatrika, ho Azy izay mahafantatra antsika rehetra, ho Azy izay nanangana antsika ho Lovany eto amin'izao tontolo izao, ao amin'ny Fiagonany, enga anie ny fitahian'Andriamanitra manan-karena ho eo aminareo rehetra mandra-pihaonantsika indray. Ny fivorianay manaraka, araka ny fantatra, dia ho any amin'ny tabernakla, ny Alahady maraina, Alahady marainan'ny Paska. Avy eo aho dia handeha ho...any Illinois avy any. Ho tahiana ianareo, karakarao ny fiagonanareo, karakarao ireto fiagonana tsara ireto, hazony miaraka ny fonareo. Mijanòna eo amin'ny Tenin'Andriamanitra! Mianà ho Azy, satria mipetraka eo anoloanareo ireo zavatra mahatsiravina, tsarovy izany!

¹⁷² Mandra-pihaonantsika, dia ndao isika hitsangana ka hihira hoe:

Tiako Izzy, tiako Izzy
 Satria nitia ahy mialoha Izzy
 Ka nividy ny famonjeko
 Teo amin'ny hazon'i Kalvary.

¹⁷³ Ankehitriny, am-panajana, raiso ny tanganan'ny olona iray aorianareo, eo alohanareo, ary eo ankilanareo.

Tiako Izzy (ny olona rehetra, ankehitriny), tiako Izzy
 Satria nitia ahy mialoha Izzy
 Ka nividy ny famonjeko
 Teo amin'ny hazon'i Kalvary.

¹⁷⁴ Ankehitriny miaraka amin'ny tangananareo mitsangana mankany amin'Andriamanitra, tena mafy ankehitriny, ny olona rehetra manao azy haneno.

Tiako Izzy, tiako Izzy
 Satria nitia ahy mialoha Izzy
 Ka nividy ny famonjeko
 Teo amin'ny hazon'i Kalvary.

¹⁷⁵ Ndao isika hanondrika ny lohantsika ankehitriny.

Mandra-pihaonantsika, mandra-pihaonantsika,
 Mandra-pihaonantsika eo an-tongot'i Jesosy;

Tsarovy, maro amintsika no tsy hihaona intsony indray hatramin'io fotoana io.

Mandra-pihaonantsika, mandra-pihaonantsika,
Homba anao anie Andriamanitra mandra-
pihaonantsika indray.

¹⁷⁶ Isamonomonony izany ankehitriny. [Manomboka
misamonomonona Rahalahy Branham—Mpand.] Ny
pasiteranareo.



NY FIVAVAHAN'I JEZEBELA MAG61-0319
(Jezebel Religion)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady tolakandro, 19 Marsa, 1961, tao amin'ny National Guard Armory ao Middletown, Ohio, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org